

# Rapport periodic davart la Charta europeica da las linguis regionalas u minoritaras

## Sisavel rapport da la Svizra

Approvà dal Cussegli federal ils 11 da decembre 2015



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Il Cussegli federal

# TAVLA DAL CUNTEGN

<b>Tavla dal cuntegn .....</b>	<b>i</b>
<b>Resumaziun dal rapport.....</b>	<b>iii</b>
<b>Part I: disposiziuns generalas.....</b>	<b>1</b>
1.    Situaziun linguistica en Svizra .....	1
1.1 Linguis en Svizra e lur derasaziun territoriala .....	1
1.1.1. Nivel naziunal .....	1
1.1.2. Ils chantuns bilings: Berna, Friburg, Vallais .....	3
1.2.    Indicaziuns statisticas e graficas davart las linguas minoritaras .....	4
1.2.1. Talian.....	4
1.2.2. Rumantsch .....	5
1.2.3. Linguas minoritaras betg territorialas .....	6
2.    Basa legala per l'applicaziun da la Charta europeica da las linguas regionalas u minoritaras..	7
2.1 Dretg da linguas internaziunal .....	7
2.2 Las disposiziuns davart il dretg da linguas en la Constituziun federala .....	7
2.3 Leschas federalas.....	7
2.3.1 Lescha da linguas ed ordinaziun da linguas .....	7
2.3.2. Missiva per la promozion da la cultura 2016–2020 .....	8
2.3.3. Decisiuns dal Tribunal federal concernent il diever da las linguas naziunalas .....	8
2.4 Convenziuns linguisticas chantunala.....	9
2.5 Svilups actuals.....	10
2.5.1. La plurilinguitad en l'administraziun federala .....	10
2.5.2 Instrucziun da las linguas naziunalas.....	10
2.5.3 Barat scolastic .....	11
2.5.4 Talian en Svizra.....	11
2.5.5 Lingua e minoritad dals Jenics en Svizra .....	12
3.    Realisaziun da las recumandaziuns dal cussegl da ministers .....	12
<b>Part II: mesiras per appligar l'artigel 7 da la Charta .....</b>	<b>13</b>
1.    Repostas da las autoritads svizras a las dumondas dal comité d'experts .....	13
2.    Mesiras praticas e projects durant la perioda da rapport (2012–2015).....	17
<b>Part III: mesiras per promover l'adiever da linguas regionalas u minoritaras en ils chantuns Grischun e Tessin .....</b>	<b>19</b>
A.    Rapport dal chantun Grischun davart l'applicaziun da la Charta europeica da las linguas regionalas u minoritaras .....	19
1.    Infurmaziuns generalas .....	19
1.1.    Applicaziun da la lescha da linguas chantunala.....	19
1.2.    Fusiuns da vischnancas .....	19
1.3.    Il rumantsch grischun en scola.....	20
1.4.    Organisaziuns novas en il sectur promozion da linguas.....	20
1.5.    Realisaziun da las recumandaziuns dal comité da ministers.....	20
2.    Mesiras per promover il rumantsch tenor las disposiziuns da promozion da la Charta .....	21
2.1.    Artitgel 8: Furmaziun .....	21
2.2.    Artitgel 9: Autoritads giudizialas .....	21
2.3.    Artitgel 10: Autoritads administrativas e gestiuns da servetschs publics .....	22
2.4.    Artitgel 13: Vita economica e sociala .....	23

B. Rapport dal chantun Tessin davart l'applicaziun da la Charta europeica da las linguis regionalas u minoritaras .....	24
1. Infurmaziuns generalas .....	24
2. Commentaris dal chantun Tessin davart la politica da linguis da la Confederaziun .....	24
2.1 Il talian en l'administraziun federala .....	24
2.2. Talian en las regiuns betg italofonas.....	25
2.3. Posiziun davart la lingua dals Gualsers a Bosco Gurin .....	25
3. Mesiras per promover il talian tenor las disposiziuns da promozion da la Charta .....	26
3.1. Artitgel 8: Furmaziun .....	26
3.2. Artitgel 9: Autoritads giudizialas .....	26
3.3. Artitgel 10: Autoritads administrativas e gestiuns da servetsch public .....	26
3.4. Artitgel 11: Medias.....	26
3.5 Artitgel 12: Activitads ed instituziuns culturalas .....	27
3.6 Artitgel 13: Vita economica e sociala .....	27
3.7 Artitgel 14: Barat suror ils cunfins naziunals .....	27
<b>Glista da las scursanidas duvradas en il rapport .....</b>	<b>28</b>

## RESUMAZIUN DAL RAPPORT

La Svizra ha ratifitgà dal 1997 la Charta europeica da las linguas regiunalas u minoritaras (Charta). Questa è entrada en vigur il 1. d'avrigl 1998. Tenor l'artitgel 15 da la Charta suttamettan ils stadis signataris regularmain in rapport davart l'applicaziun da la Charta al secretari general dal Cussegl da l'Europa. L'emprim rapport da la Svizra è vegnì suttamess al secretari general dal Cussegl da l'Europa il settember 1999. Dapi lezza giada ha la Svizra preschentà mintga trais onns in rapport davart l'applicaziun da la Charta (december 2002, matg 2006, december 2009, december 2012) cun explicaziuns concernent la situaziun actuala da las linguas en il pajais, ils novs instruments legals e la realisaziun da las recumandaziuns dal comité da ministers e dal comité d'experts dal Cussegl da l'Europa. Il preschent sisavel rapport da la Svizra cumpiglia la perioda da 2012 fin 2015. El è vegnì cumplì a basa dal tschintgavel rapport dals 30 da november 2012 e s'exprima davart las recumandaziuns dal comité da ministers dal Cussegl da l'Europa sco er davart quellas dal comité d'experts ch'en formuladas en lur tschintgavel rapport d'experts dals 10 fanadur 2013 ed en lur catalog da dumondas dals 12 favrer 2015.

Il rapport è dividì en traïs parts principales:

L'emprima part dal rapport preschenta las statisticas novas concernent il svilup linguistic en Svizra ed ina resumazion da la basa legala existenta per promover las linguas en Svizra. Surtut vegni fatg bilantscha davart l'applicaziun da l'Ordinaziun da linguas (OLing) en il decurs dals ultims tschintg onns. Ultra da quai vegnan explitgadas las sfidas actualas areguard la politica da linguas en Svizra che vegnan descrittas en la Missiva per la promozion da la cultura (Missiva da cultura 2016–2020). Qua sa tracti spezialmain da l'instrucziun da las linguas naziunalas sco er da la promozion da la lingua e cultura taliana e jenica. Ils projects novs sustegnids en il rom da la promozion da linguas sco er las mesiras per promover la plurilinguitad en l'administraziun federala vegnan er preschentads en questa part dal rapport.

La segunda part dal rapport pertutga il svilup da las mesiras da la Svizra per applitgar la Charta e tracta ina seria da dumondas fatgas dal Cussegl da l'Europa a basa da las recumandaziuns dal comité d'experts. Er las mesiras praticas ed ils projects sviluppads tranter 2012 e 2015 vegnan preschentads en questa segunda part. Ils temás principals èn qua la creaziun d'instituziuns per mantegnair la lingua e cultura taliana en Svizra, projects en connex cun la lingua e cultura jenica, la lingua taliana en las medias sco era il diever dal tudestg e franzos en ils chantuns bilings. La segunda part dal rapport tracta plinavant il francoprovenzal e respunda uschia ad ina dumonda generala dal comité d'experts.

La terza part cumpiglia finalmain ils rapports dals chantuns Grischun e Tessin davart l'applicaziun da la Charta pertutgant il rumantsch ed il talian en lur territoris. Qua vegnan preschentads ils svilups en las legislaziuns chantunalas sco er las respostas a las dumondas e recumandaziuns dal comité d'experts ed il comité da ministers dal Cussegl da l'Europa.

Per preparar quest sisavel rapport èn vegnids consultads ils acturs ils pli impurtants ch'en pertutgads da la Charta. Ins ha surtut integrà tut ils uffizis federales pertutgads, la delegada per plurilinguitad da la Confederazion, ils chantuns bilings, il chantun Giura e la Conferenza svizra dals directurs chantunals da l'educaziun publica CDEP. Ils chantuns Grischun e Tessin èn sa participads activamain a l'elavuraziun dal rapport preschent. Els èn s'exprimids davart las dumondas e recumandaziuns dal comité da ministers e dal comité d'experts ed han cumplì la terza part dal rapport.

# PART I: DISPOSIZIUNS GENERALAS

## 1. Situazion linguistica en Svizra


### 1.1 Lingus en Svizra e lur derasaziun territoriala

#### 1.1.1 Nivel naziunal

Dal 2010 han persunas plurilinguas pudì inditgar per l'emprima giada pliras lingus principales en il rom da l'enquista da structura federala davart las lingus; fin a traes lingus èn vegnidus resguardadas. Sco lingua principal vegn considerada quella lingua ch'ina persuna dovra per pensar e ch'ella dominescha il meglier. Fin l'onn 2000 pudevan ins inditgar qua mo ina suelta lingua, uschè ch'ina persuna plurilingua inditgava mintgatant in'autra lingua dad in'enquista a la proxima, per part independentamain da sias competenzas linguisticas effectivas. Perquai che l'enquista da structura n'è betg cumplessiva, mabain in'enquista cun caracter da prova da controllo, vegnan cumpletads ils sustants resultats tras in interval da confidenza. Las cifras absolutas èn il resultat d'in transferiment d'observaziuns or da l'enquista cun caracter da prova da controllo.

En tut la Svizra sa repartan las lingus inditgadas sco lingus principales sco suonda:

### III. 1: Repartiziun procentuala da las lingus principales da 2011–2013



Funtauna: Enquista da structura, statisticas d'economia, cumulaziun 2011–2013, UST

Tab. 1: Populaziun residenta stabla a partir da 15 onns tenor lingua(s) principala(s), 1970–2010

	1970		1980		1990		2000		2010		
	Cifras abso- lutas	Per- tschie nt	Cifras abso- lutas	Per- tschi ent	Cifras abso- lutas	Per- tschie nt	Cifras abso- lutas	Per- tschi ent	Cifras abso- lutas	IC en %	Part en % <sup>1</sup>
Total	4'575'416	100.0	4'950'821	100.0	5'495'018	100.0	5'868'572	100.0	6'519'253	0.1	100.0
Tudestg	2'988'606	65.3	3'254'732	65.7	3'547'236	64.6	3'770'330	64.2	4'276'097	0.2	65.6
Franzos	853'903	18.7	921'060	18.6	1'059'614	19.3	1'172'059	20.0	1'487'311	0.4	22.8
Talian	509'923	11.1	462'565	9.3	439'378	8.0	399'642	6.8	548'903	1.0	8.4
Rumantsch	38'623	0.8	41'556	0.8	32'830	0.6	29'175	0.5	36'472	5.1	0.6
Englais	19'432	0.4	30'185	0.6	46'725	0.9	54'328	0.9	292'094	1.7	4.5
Autras lingus	164'929	3.6	240'723	4.9	369'235	6.7	443'038	7.5	1'007'074	0.1	15.4

1) Il total è pli aut che la quantitat da las persunas che han respondì a l'enquista, causa ch'ins ha pudì inditgar pliras lingus principales.


2) 2010: Las datas derivan d'ina enquista cun caracter da prova da controllo. L'interval da confidenza (IC) inditgescha l'exactedad dal resultat ed è inditgà en questa tabella en pertschient.

Funtauna: 1970–2000: Dumbraziun dal pievel; 2010: Enquista da structura

Durant ils ultims decennis è la repartiziun da las linguas restada relativamain stabila. In pau pli pauc che dus terzs da la populaziun residenta stabla a partir da 15 onns han inditgà il tudestg sco lingua principala. En segunda frequenza vegn inditgada la lingua naziunala franzosa sco lingua principala. Tuttas duas linguas èn s'augmentadas proporzialmain in pau tranter il 2000 ed il 2010. Quai è per part d'explitar cun il fatg ch'ins ha pudi inditgar en l'enquisa pliras linguas (fin a trais) sco lingua principala. Schizunt sch'ins quinta ensemes las duas autres linguas naziunalas, il talian ed il rumantsch, vegnan ellias surpassadas dal total da las linguas betg naziunalas.

La part da las linguas betg naziunalas stat dapi la mesadad dal 20avel tschientaner en in connex direct cun l'augment e la cumposiziun varianta da la part estra da la populaziun. Interessant è perquai betg sulettamain la quantitat da las linguas betg naziunalas, mabain era la repartiziun entaifer questas linguas.

### **III. 2: Part pertschientuala da las linguas betg naziunalas las pli frequentas sco lingua(s) principala(s) tar la populaziun residenta, 2011–2013**



Funtauna: Enquisa da structura, statisticas d'economia, cumulaziun 2011–2013, UST

**Tab. 2: Populaziun residenta stabla tenor lingua(s) principala(s), 2011–2013**

	Cifras absolutas	IC en %	Part linguas principales en % <sup>1</sup>
<b>Total</b>	<b>7'855'169</b>	-	<b>100.0</b>
Tudestg	5'020'419	0.1	63.9
Franzos	1'765'080	0.2	22.5
Talian	632'119	0.4	8.0
Rumantsch	39'977	2.3	0.5
Englais	332'178	0.8	4.2
Portugais	254'902	0.9	3.2
Albanais	228'507	0.9	2.9
Serb / croat	196'365	1.0	2.5
Spagnol	162'870	1.1	2.1
Autras linguas	496'854	0.7	6.3

1) Il total è pli aut ch'il dumber da persunas che han respundi a l'enquisa causa ch'ins ha pudi inditgar pliras linguas principales.

2) 2010: Las datas derivan d'ina enquisa cun caracter da prova da controllo. L'intervall da confidenza (IC) indigescha l'exactedad dal resultat ed è inditgà en questa tabella en pertschient.

Funtauna: Enquisa da structura, statisticas d'economia, cumulaziun 2011–2013, UST

Dapi l'onn 1970 e spezialmain tranter 1980 e 1990 è creschida la part da las linguas betg naziunalas. Lur augment tranter 2000 e 2010 sa lascha declarar cun la pussaivladad d'inditgar da nov pliras linguas principalas en l'enquisa. Questa midada ha er modifitgà la successiun da las tschintg pli grondas gruppas da linguas betg naziunalas. L'onn 2000 eran las linguas da l'anteriura Jugoslavia e da l'Albania sin l'emprim plaz. L'onn 2010 è stà l'englais sin l'emprim plaz, suandà dal portugais, serb, croat sco er albanais, avant il spagnol ed il tirc. Las ulteriuras linguas mussan ina gronda varietad cun quantitads da pledaders relativamain pitschnas.

La part da las linguas betg naziunalas importava en ils onns 2011 fin 2013 en media var 20 %. En la Svizra francofona importava ella var 25 %, en la Svizra italoafona ca. 15 % ed en la Svizra tudestga ca. 19 %. En la Svizra rumantscha importava la part var 10 %, quai ch'è dentant da leger cun precauziun pervi da la pitschna quantitat da las persunas dumandadas.

La repartizion da las linguas betg naziunalas sin ils quatter territoris linguistics n'è betg unitara. Il serb, croat, albanais e tirc han lur pais en la Svizra tudestga; il portugais è derasà spezialmain ferm en la Svizra franzosa, il spagnol è derasà pli equalmain. L'englais sa concentrescha sin las regiuns urbanas da Turitg/Zug, Basilea sco er sin la regiun al Lai da Genevra.

Finalmain èsi er impurtant, tge linguas naziunalas che vegnan discurridas dador lur territori linguistic:

**Tab. 3: Parts procentualas da las linguas naziunalas tenor territori linguistic, 2011–2013**

	Part da germanofons	Part da francofons	Part d'italofons	Part da rumantschs	Part da linguas betg naziunalas
Total	63.9	22.5	8.0	0.5	19.7
Territori linguistic tudestg	86.8	3.0	4.2	0.4	18.5
Territori linguistic franzos	6.5	83.6	4.8	0.0	24.5
Territori linguistic talian	10.2	4.7	87.1	0.3	14.3
Territori linguistic rumantsch	43.0	(1.0)	4.2	67.2	10.0

Funtauna: *Enquisa da structura, statisticas d'economia, cumulaziun 2011–2013, UST*

Suenter il tudestg vegn numnà en la Svizra tudestga il pli savens il talian sco lingua principala. En la Svizra franzosa perunter vegn discurrì pli savens tudestg che talian, entant ch'en la Svizra taliana vegn inditgà duas giadas pli savens il tudestg ch'il franzos. En il territori linguistic rumantsch inditgescha la mesedad da la populaziun residenta il tudestg sco lingua principala.

Var 21 000 persunas che inditgeschan il rumantsch sco lur lingua principala na vivan betg en il territori linguistic rumantsch. La maioridad dad els (55,5 %) viva en la Svizra tudestga. Il chantun Grischun ha var 25 000 persunas da lingua rumantscha, quai correspunda a ca. 15 % da la populaziun chantunala. Ina pitschna maioridad da Rumantschs viva dador il territori linguistic rumantsch, spezialmain en la regiun da Cuira tant sco en ils chantuns Turitg ed Argovia.

### 1.1.2 Ils chantuns bilings: Berna, Friburg, Vallais

En ils chantuns bilings ha mintgamai ina da las duas linguas naziunalas ina part da passa 60 %. Ils trais chantuns bilings (Berna, Friburg e Vallais) èn dividids cleramain en dus differents territoris linguistics. Excepziuns èn las citads da Bienna (52,1 % tudestg, 40,4 % franzos) e Friburg (28,6 % tudestg, 67,7 % franzos). Ils chantuns Friburg e Vallais èn per gronda part francofons, il chantun Berna è per gronda part germanofon.

## 1.2. Indicaziuns statisticas e graficas davart las linguas minoritaras

### 1.2.1. *Talian*

**Tab. 4: Linguas principales Svizra taliana (Tessin e Grischun talian), absolut ed en pertschient, 2011–2013**

	Cifras absolutas	IC en %	Part da la populaziun en %
<b>Total da la populaziun</b>	349'665	0.2	100.0
<b>Tudestg</b>	5'602	1.9	10.2
<b>Franzos</b>	16'590	2.8	4.7
<b>Talian</b>	304'606	0.3	87.1
<b>Rumantsch</b>	997	11.5	0.3
<b>Autras linguas</b>	49'932	1.5	14.3

1) Il total è pli aut che la quantiad da persunas che han respundi a l'enquista: 16.6 % han inditgà duas u trais linguas principales.

2) 2010: Las datas derivan d'ina enquista cun caracter da controllo da prova. L'interval da confidenza (IC) inditgescha l'exactedad dal resultat ed è numerada en questa tabella en pertschient.

Funtauna: Enquista da structura, statisticas d'economia, cumulazion 2011–2013, UST

### *Talian en il Tessin*

Las enquistas tranter 1990 e 2000 mussan in lev regress dal talian, ina stagnaziun dal tudestg ed in augment da las linguas betg naziunalas. Lezza giada pudev'ins dentant inditgar sulettamain la lingua principala, quai ch'è probablaman stà in dilemma per insaquantas persunas. Las cifras da l'onn 2010 laschan presumar che tant las parts dal tudestg sco er quellas dal talian sajan creschidas. La part da las linguas betg naziunalas è medemamain creschida. Tut ils otg districts dal chantun Tessin han ina part da persunas italofoonas da passa 80 % (a Locarno èn els represchentads il pli flaivel cun 80,5 %).

**Tab. 5: Talian e tudestg sco lingua principala tar la populaziun residenta stabla a partir da 15 onns dal chantun Tessin dapi il 1970**

	Total populaziun a partir da 15 onns	Italofoons	IC en % <sup>1</sup>	Part en %	Germanofons	IC en % <sup>1</sup>	Part en %
1970	180'307	151'246	-	83.9	21'819	-	12.1
1980	206'029	169'390	-	82.2	25'934	-	12.6
1990	240'959	200'994	-	83.4	24'892	-	10.3
2000	259'942	214'611	-	82.6	23'273	-	9.0
2010 <sup>2</sup>	281'693	246'983	0.5	87.7	31'330	4.0	11.1

1) 2010: Las datas derivan d'ina enquista cun caracter da controllo da prova. L'interval da confidenza (IC) inditgescha l'exactedad dal resultat ed è inditgà en questa tabella en pertschient

2) Las persunas dumandadas han pudi inditgar pliras linguas principales. Per persuna èn vegnidias inditgadas fin a trais linguas principales.

Funtaunas: 1970–2000: Dumbrazion federala dal pievel; 2010: Enquista da structura


### *Talian en il chantun Grischun*

En il chantun Grischun n'èsi betg stà pussaivel da rimnar avunda infurmaziuns exactas per tut ils districts. Ma ins po dir che ils districts Bernina e Moesa sun per gronda part italofoons (ca. 90 %). Il district Malögia ha ca. in quart italofoons.

## Talian dador il territori linguistic

Tranter 2011 e 2013 han inditgà en media circa 632 100 persunas en Svizra il talian sco lingua principala u sco ina da lur linguas principales. Da quellas han 358 875 ina biografia da migraziun.<sup>1</sup> Circa 116 000 dad elllas viven en la Svizra taliana. Ils italofons da las trais regiuns betg italofonas eran pli numeros (var 290 000) che quels che abitan en la Svizra taliana (var 264 817). Malgrà ch'ina cumparegliaziun tranter ils onns 2000 e 2011–2013 è difficila, pon ins constatar ch'il talian na perda betg terren en Svizra. La pussavladad purschida dapi 2010 d'inditgar pliras linguas sco lingua principalas è vegnida utilisada surtut da las persunas italofonas e spezialmain da las persunas immigradas da lingua taliana da la segunda generaziun. Questas sa chattan surtut en las parts dal talian sco lingua da famiglia en las regiuns betg italofonas, sco ch'i vegn mussà en la suandanta grafica.

### III. 1: Repartiziun pertschientuala dal talian sco lingua principala, sco lingua da famiglia e sco lingua da lavur en las regiuns betg italofonas, 2011–2013



1) 2010: Las datas derivan d'ina enquista cun caracter da controllo da prova. L'interval da confidenza (IC) indigescha l'exactedad dal resultat ed è inditgà en questa tabella en pertschient.

2) Las persunas dumandadas han pudi inditgar pliras linguas principalas. Per persuna èn vegnididas resguardadas fin a trais linguas principalas.

Funtauna: Enquista da structura, statisticas da persunas, cumulaziun 2011–2013, UST

#### 1.2.2. Rumantsch

Sco ils italofons viven er ils Rumantschs per gronda part dador lur territori linguistic, surtut en la Svizra tudestga (ca. 56 %). Sulettamain dus tschintgavels viven en il territori linguistic rumantsch.<sup>2</sup>

#### Rumantsch en il Grischun

Tranter 2011 e 2013 han inditgà var 15 700 persunas da las 23 400 abitantas e dals abitants a partir da 15 onns dal territori rumantsch tradiziunal (quai vul dir 67,2 % da la populaziun) il rumantsch sco lingua principala u sco ina da lur linguas principalas.

<sup>1</sup> La populaziun cun biografia da migraziun cumpiglia tut las persunas da l'ester, las Svizras ed ils Svizzers naturalisads da l'emprima e la segunda generaziun sco er las Svizras ed ils Svizzers nativs cun dus geniturs naschids a l'ester (<http://www.bfs.admin.ch/bfs/portal/de/index/themen/01/07/blank/key/06.html>).

<sup>2</sup> Sco territori rumantsch vegn chapi il territori da quellas vischancas, en las qualas igl è vegnì inditgà il rumantsch sco la pli frequenta lingua principala en occasiun da la dumbraziun dal pievel da l'onn 2000. (<http://www.bfs.admin.ch/bfs/portal/de/index/infothek/publ.html?publicationID=495>)

**Tab. 6: Linguas principales en il territori linguistic rumantsch, 2011–2013**

	Cifras absolutas	IC en %	Parts en %
<b>Total</b>	<b>23407</b>	<b>3.1</b>	<b>100.0</b>
Tudestg da scrittira e tudestg svizzer	10062	5.0	43.0
Franzos	(232)	33.2	1.0
Talian e dialect talian / dialect talian dal Grischun	987	17.5	4.2
Rumantsch	15736	3.7	67.2
Autras	2347	11.3	10.0

1) Il total è pli aut che la quantitat da las persunas che han respundi a l'enquista, causa ch'ins ha pudi inditgar pliras linguas principales.

2) 2010: Las datas derivan d'ina enquista cun caracter da controlla da prova. L'interval da confidenza (IC) inditgescha l'exactedad dal resultat ed è inditgà en questa tabella en pertschient.

Funtauna: Enquista da structura, statisticas d'economia, cumulaziun 2011–2013, UST

En il territori linguistic rumantsch han inditgà var 15 700 persunas u 76 % da la populaziun da discurrer rumantsch a chasa. Var 8 300 abitantas ed abitants activs en ina professiun dal territori linguistic rumantsch tradiziunal han dal 2010 inditgà il rumantsch sco lingua da lavur. Quai correspunda a 61 % da las persunas dumandadas.

**Tab. 7: Linguas inditgadas sco lingua da famiglia e lingua da lavur en il territori linguistic rumantsch, 2011–2013**

	Lingua da famiglia			Lingua da lavur		
	Cifras absolutas	IC en %	Parts en % <sup>1</sup>	Cifras absolutas	IC en %	Parts en % <sup>1</sup>
<b>Total</b>	<b>21'803</b>	<b>4.0</b>	<b>125.8</b>	<b>13'567</b>	<b>0.0</b>	<b>186.6</b>
Tudestg svizzer	9'182	6.4	42.1	10'073	6.1	74.2
Tudestg da scrittira	1'640	16.0	7.5	3'931	10.2	29.0
Franzos	(149)	51.6	0.7	(476)	29.2	3.5
Talian e dialect talian / dialect talian dal Grischun	86	68.3	0.4	(128)	55.9	0.9
Talian	773	23.3	3.5	2'386	13.2	17.6
Rumantsch	15'605	4.8	71.6	8'323	6.8	61.3

1) 25,8 % da las persunas dumandadas han inditgà dapli che ina lingua sco lingua da famiglia e 86,6 % dapli che ina lingua sco lingua da lavur. L'indicaziun dal tudestg svizzer e dal dialect tessinais u dal dialect talian dal Grischun è stada admessa sulettamain tar las linguas da famiglia e da lavur.

2) 2010: Las datas derivan d'ina enquista cun caracter da controlla da prova. L'interval da confidenza (IC) inditgescha l'exactedad dal resultat ed è inditgà en questa tabella en pertschient.

Funtauna: Enquista da structura, statisticas dal persunal, cumulaziun 2011–2013, UST

### 1.2.3. Linguas minoritaras betg territorialas

Causa che las datas actualas da la dumbraziun dal pievel dal 2010 davart las linguas betg territorialas n'èn betg cumpliettas, renviain nus al quart rapport da la Svizra da l'onn 2009 per infurmaziuns cumplexivas davart questa tematica (cf. Infurmaziuns generalas davart la politica da linguas en Svizra, chapitel 4, p. 27–28).

## **2. Basa legala per l'applicaziun da la Charta europeica da las linguas regiunalas u minoritaras**

### **2.1 Dretg da linguas internaziunal**

Las basas legalas internaziunalas per l'applicaziun da la Charta n'èn betg sa midadas dapi ils ultims dus rapports da la Svizra. Ina resumaziun da las infurmaziuns sa chatta en il quart rapport da la Svizra da 2009 (Part I, chapitel 1.1, p. 32–33).

### **2.2 Las disposiziuns davart il dretg da linguas en la Constituziun federala**

Las disposiziuns davart il dretg da linguas en la constituziun federala n'èn betg sa midadas dapi ils ultims dus rapports da la Svizra. Ina resumaziun da las infurmaziuns sa chatta en il quart rapport da la Svizra dal 2009 (Part I, chapitel 1.2, p. 33–34).

### **2.3 Leschas federalas**

#### **2.3.1 Lescha da linguas ed ordinaziun da linguas**

Sco ch'igl è vegni mussà en il tschintgavel rapport da la Svizra da l'onn 2012 (cf. part I, chapitel 2.2.2, p. 12–15), furma la lescha federala davart las linguas naziunalas e la chapientscha tranter las communitads linguisticas (Lescha da linguas, LLing, CS 441.1) la basa legala federala per promover las linguas naziunalas en Svizra. L'ordinaziun davart las linguas naziunalas (Ordinaziun da linguas, OLing, CS 441.11) fixescha las mesiras da promozion concretas. L'entrada en vigur da la LLing ha sveglià bleras aspectativas ed augmentà l'interess da la publicitat sco era da las parlamentarias e dals parlamentaris per la politica da linguas da la Confederaziun. Tschertas disposiziuns da la LLing concernent il diever da las linguas uffizialas en l'administraziun federala èn dentant vegnididas consideradas sco insuffizientas, per quest motiv è la OLing vegnida revedida l'onn 2014 (cf. punct 2.5.1 da quest rapport).

#### *Bilantscha dals emprims tschintg onns da l'applicaziun / dapi l'entrada en vigur da la OLing*

Ils novs instruments da promozion introducids tras la lescha da linguas èn sa verifitgads. Uschè ha la Confederaziun sustegni numerus partenaris e projects durant la perioda da promozion 2012–2015. La collavuraziun tranter la Confederaziun ed ils differents partenaris vegn reglada en general tras cunvegnas da servetschs. Las finamiras prevesidas en questas cunvegnas èn vegnididas cuntanschidas per gronda part.

Qua suondan insaquantas ponderaziuns specificas che meritau attenziun speziala:

- **Barat scolastic** (art. 9 OLing): Malgrà las resursas supplementaras n'hau ins betg pudi cuntan-scher la finamira d'augmentar considerablamain il barat scolastic tranter las regiuns linguisticas. Dapi il december 2014 vegnan fatgas discussiuns tranter la Confederaziun, ils chantuns e la Fundazion ch (l'organ competent per la coordinaziun dal barat) per fixar ina strategia da promozion communala globala per il barat e la mobilitad e per chattar la meglia furma organizerica pussaivla. Uschè duess vegnir garanti il diever effizient dals meds finanzials e la realisaziun effizienta da las mesiras. Eveniments concrets vegnan preschentads en il proxim rapport periodic da la Svizra.
- **Project davart l'instrucziun da las linguas naziunalas** (art. 10 OLing): Plirs projects per sviluppar meds d'instrucziun per l'instrucziun da las linguas naziunalas èn vegnidis promovids. Quests projects sostegnan ils chantuns tar la realisaziun dals plans d'instrucziun per l'instrucziun da las linguas naziunalas. Tscherts projects èn gia vegnidis preschentads en l'ultim rapport da la Svizra da l'onn 2012, per exemplu il «Curriculum minimo di italiano» (scolaziun minimala en talian; cf. tschintgavel rapport da la Svizra, part II, chapitel 1.6, p. 24). Ulteriurs projects vegnan realisads da preschent, uschè per exemplu in cudesch d'instrucziun da talian per ils gimnasis da la Svizra tudestga (project «Tracce», [www.tracce.ch](http://www.tracce.ch)), in concept d'instrucziun per talian sin il stgalim secundar I en ils chantuns da la Svizra tudestga u in curs da talian en colliaziun cun in barat per scolaras e scolars dal stgalim secundar I en il chantun Uri.
- **Center da competenza scientific per la promozion da la plurilinguitad (CSP)** (art. 12 OLing): L'emprim program da perscrutaziun 2012–2014 è terminà. Quindesch projects en ils secturs «Plurilinguitad individuala», «Instruir ed emprender linguas, valitar ed evaluar cumpetenzas linguisticas»

sco er «Plurilinguitad instituziunala e sociala» èn vegnids realisads per cumententscha da tut las instituziuns participadas. Trais projects davart la situaziun e promozion da la lingua taliana e rumantscha meritan attenzion speziala. Sco emprim èsi da numnar il cudesch d'instrucziun da talian «Capito?» che sviluppa la chapientscha da tadlar e da leger e fa enconuschench ils emprendiders cun la lingua e las particularitads culturalas da la Svizra taliana (Tessin, Grischun italofon). Er il segund project, «Rumantsch receptiv» ([www.chapeschas.ch](http://www.chapeschas.ch)), ha sco finamira il svilup da las cumpetenzas receptivas – questa giada da la lingua rumantscha – e metta a disposizion ina metoda. Finalmain èsi da menziunar il project «Administraziun federala e represchentaziun da las communitads linguisticas: Analisa dals process e da las strategias da recrutar persunal». El s'occupa da la procedura d'engaschament da l'administraziun federala en connex cun la represchentaziun da las communitads linguisticas. Il project ha mussà ch'i dat problems tar la recrutaziun da persunas che discurran ina lingua minoritara. Per las differentas unitads da l'administraziun èn vegnididas formuladas propostas che duain meglierar las proceduras da recrutaziun (sensibilisar ils superiurs per la plurilinguitad; reorganisar las publicaziuns da pazzas per las render pli attractivas per persunas appartegnentas a linguis minoritaras; promover il diever da linguis minoritaras en discurs da preschentaziun euv.). Ils resultats dals projects da perscrutaziun ed ina preschentaziun da las activitads dal CSP èn accessibels sut: [www.zentrum-mehrsprachigkeit.ch](http://www.zentrum-mehrsprachigkeit.ch)

### *2.3.2. Missiva per la promozion da la cultura 2016–2020*

Il Cussegl federal ha fixà la nova direcziun strategica da la politica culturala per la perioda 2016–2020 en sia Missiva da cultura. Questa è vegnida deliberada dal parlament ils 19 da zercladur 2015. Las axas d'acziun centralas da la Missiva da cultura èn «Participaziun culturala», «Coesiun sociala» e «Creaziun ed innovaziun».

La politica da linguis è ina part da l'axa d'acziun «Coesiun sociala» ed occupa là in post central. La communicaziun tranter las communitads linguisticas e culturalas da la Svizra vegn considerada dal Cussegl federal sco factur important per la solidaritat naziunala. Perquai metta la Confederaziun cun agid da la LLing sia speranza en la promozion da las linguis naziunals e la communicaziun tranter las communitads linguisticas.

Cun la Missiva da cultura vul il Cussegl federal pia agir decisivamain en favur da las linguis naziunals e realisar mesiras da promozion respectivas.

Per promover il barat scolastic, la lingua e cultura taliana dador la Svizra taliana sco er il barat cultural naziunal èn previs ulteriurs medis finanzials.

### *2.3.3. Decisiuns dal Tribunal federal concernent il diever da las linguis naziunals*

- DTF 139 I 229 dals 12 da fanadur 2013; recurs da dretg public cunter la sentenzia da la dretgira administrativa dal chantun Grischun concernent la libertad da lingua, la lingua d'instrucziun, il princip da territorialitat e la Charta europeica da las linguis regiunalas e minoritaras: Il Tribunal federal refusescha il recurs cunter il conclus da la regenza grischuna dals 5 da december 2011, tenor il qual ina midada da la lingua d'instrucziun dal rumantsch grischun a l'idiom u viceversa possia succeder da princip be cun l'entschatta da la 1. classa primara. La libertad da lingua dettia bain il dretg d'utilisar ina lingua tenor atgna tscherna, ma a basa dal princip da las linguis uffizialas e da territorialitat n'exista nagin dretg da vegnir instrui a las scolas publicas en ina lingua (materna) a bainplaschair. L'instrucziun vegnia fatga en quella lingua ch'ils chantuns resp. las vischnancas fixeschan correspondentamain als princips da l'art. 70 alinea 2 Constituziun federala (Cst.). Sche l'instrucziun scolastica *in casu* vegnia fatga en lingua rumantscha, saja quai en ils idioms u en rumantsch grischun, saja quai suffizient per la pretensiun da dretg constituziunal da las minoritads localas. La sfera da protecziun da la libertad linguistica na saja consequentamain betg tangada. Plinavant na s'opponia il conclus da la regenza grischuna er betg a la Charta europeica da las linguis regiunalas u minoritaras, causa ch'i vegnia tegini quint sufficientamain da las disposiziuns menziunadas là.
- DTF 141 I 36 dals 15 da december 2014; recurs da dretg public cunter la sentenzia da la dretgira administrativa dal chantun Grischun concernent la libertad da lingua e la lingua d'instrucziun: Il Tribunal federal refusescha il recurs cunter l'artitgel 32 Lescha da scola/GR, tenor il qual ina midada da la lingua d'instrucziun da l'idiom al rumantsch grischun u viceversa haja da succeder a moda

constructiva d'in onn da scola a l'auter. En sia motivaziun renviescha il Tribunal federal essenzialmain a las explicaziuns fatgas en la DTF 139 I 229 davart la libertad da lingua.

- TF 1C\_213/2014 dals 3 da fanadur; recurs da dretg public cunter la sentenzia da la sedziun publica da la dretgira chantunala dal Vallais concernent la libertad da lingua, la lingua da procedura e la lingua uffiziala: Il Tribunal federal conferma da nov che la libertad da lingua tenor l'artitgel 18 Cst vegnia restrenschida tras il princip da la lingua uffiziala. Da princip statti liber a mintga chantun da determinar sia lingua uffiziala (cf. art. 70 al. 2 Cst). Ultra da quai implitgescha l'autonomia chantunala en fatgs linguistics ch'i vegnian prendidas mesiras supplementaras che fixeschan il diever d'ina lingua determinada tranter persunas privatas ed il stadi ed en spezial las dretgiras. Consequentamain sa basa l'obligaziun adossada al recurrent da preschentear ses recurs en franzos sin in fundament legal valaivel e na mutta nagina restricziun inadmissibla da la libertad da lingua che croda sut ils artitgels 18 e 19 Cst.
- TF 6B\_587/2013 dals 22 da december 2014; recurs penal cunter la sentenzia da la *Cour de justice de la République et canton de Genève* concernent la lingua uffiziala: Il Tribunal federal conferma da nov che la libertad da lingua tenor l'artitgel 18 Cst na possedia nagina protecziun absoluta e vegnia limitada en la procedura cun autoritads chantunalas tras il princip da la lingua uffiziala dal chantun. Perquai nun ha in persuna privata per regla nagin dretg da communitgar cun las autoritads en in'autra lingua che la lingua uffiziala, independentamain dal fatg, sche questa autra lingua è sia lingua materna u in'autra lingua naziunala. L'obligaziun attribuida al recurrent da preschentear ses recurs en lingua franzosa confurm a l'artitgel 13 dal Cudesch penal svizzer ed autres leschas penales federalas n'è consequentamain nagina restricziun inadmissibla da la libertad da lingua confurm a l'artitgel 8 al. 2 Cst.

Ulteriuras decisiuns:

TF 6B\_561/2013 dals 20 d'october 2014

TF 1C\_48/2015 dals 10 da favrer 2015

TF 1C\_600/2014 dals 10 da favrer 2015

#### 2.4 Convenziuns linguisticas chantunala

Cun excepziun d'ina novaziun en il chantun Friburg restan las reglamentaziuns dal dretg da linguas en las constituziuns chantunala senza midadas. Ina resumazion da las infurmaziuns sa chatta en il quart rapport da la Svizra da 2009 (Part I, chapitel 1.3, p. 39–42).

#### *Friburg*

Ils 10 da favrer 2015 ha il Cussegl grond da Friburg deliberà la lescha per il di da la bilinguitad e declarà qua tras ils 26 da settember (dapi il 2015) sco di da la bilinguitad. (El coincida cun il di europeic da las linguas). Il di, naschi da la mozun populara dal cussegl da giuventetgna, ha en emprima lingua caracter simbolic. El accentuescha surtut la bilinguitad viva ed è in catalisatur per iniziativas da societads e da persunas privatas. Igl è vegni stabili in portal d'internet ([www.fri2frei.ch](http://www.fri2frei.ch)) per intermediar projects. Ina concurrenza premiescha il meglier project o la meglira activitat che sa referescha a la bilinguitad sco era la meglira idea per in'acziun futura.

#### *Berna*

La «Dumonda dal Giura» è puspè daventada actuala, dapi che tschertas vischnancas dal Giura bernais (part francofona dal chantun) giavischon ch'ins entschaivia puspè las discussiuns per ina fusun cun il chantun Giura. Ils 24 da november 2013 han ins fatg votaziuns regionalas en il Giura bernais. Ina pluralitat dals votants è s'exprimida cunter l'enviament d'in process per crear in nov chantun or dals territoris dal chantun Giura sco er dal Giura bernais.

Per promover sia bilinguitad e la coesiun tranter las duas communitads linguisticas ha il chantun Berna suenter questa votaziun lantschà il project «Status quo+» per sviluppar vinavant il status spezial dal Giura bernais e la bilinguitad chantunala. Ins ha fundà ina gruppera da project che sa cumpona d'acturs externs e represchentants da l'administrasiun chantunala ch'elavura da preschent mesiras per promover la bilinguitad en il chantun. I sa tracta surtut da:

- ina megira represchentanza da las linguas uffizialas en l'administraziun centrala e l'engaschament da persunal per plazzas, per las qualas igl è premissa da savair la lingua franzosa, e da
- crear e coordinar posts specials per la lingua franzosa en l'administraziun centrala.

En il rom da quest mandat è la chanzlia chantunala plinavant cumpetenta da crear ina cumissiun permanenta per la bilinguitad.

## **2.5 Svilups actuals**

### **2.5.1. *La plurilinguitad en l'administraziun federala***

Il parlament ha deliberà dal 2012 duas moziuns per rinforzar la plurilinguitad en l'administraziun federala: Iis progress dapi il 2010 èn sa mussads sco memia plauns, il status e l'autonomia dal delegà u da la delegada per plurilinguitad sco memia flaivel ed iis instruments d'analisa sco incumplets. L'applicaziun da questas moziuns ha pretendi ina midada da la basa legala concernent la promozion da la pluralitat.

Ils 27 d'avust 2014 ha il Cussegl federal deliberà ina midada da la OLing e la revisiun totala da las directivas per promover la pluralitat en l'administraziun federala. Iis texts novs èn entrads en vigur il 1. d'october 2014.

La revisiun da la basa legala duai meglierar la represchentanza da las minoritads linguisticas, rinforzar las cumpetenzas linguisticas dal persunal da la Confederaziun e facilitar l'access a curs da linguas. Las finamiras strategicas da la promozion da la pluralitat vegnan determinadas dal Cussegl federal. Per lur realisaziun cun agid d'in catalog da mesiras èn responsabels iis departaments e lur unitads administrativas sco era la Chanzlia federala. Plinavant ha la modificaziun da l'ordinaziun rinforzà l'autonomia e la cumpetenza dal delegà u da la delegada per plurilinguitad da la Confederaziun, oravant tut la funcziun da sustegn per il Cussegl federal, la funcziun da controlla, coordinaziun ed examinaziun sco er la cumpetenza da recumandaziun (art. 8d al. 4 e 5 OLing). Il delegà u la delegada per plurilinguitad vegn numnà dal Cussegl federal ed è affilià al departament da finanzas.

Ils 13 da mars 2015 ha il Cussegl federal approvà il «Rapport d'evaluaziun per mauns dal Cussegl federal e recumandaziuns davart la politica da plurilinguitad (art. 8d al. 4 OLing) – Svilup da 2008 fin 2014 e perspectivas da 2015 fin 2019». Quest rapport sa referescha als svilups da la plurilinguitad en iis departaments e la chanzlia federala e fixescha las prioritads per iis proxims onns. Questas sa concentreschan sin il sectur da las cumpetenzas linguisticas (svilup ed access a curs da linguas, surtut per iis caders, sco er evaluaziun da las cumpetenzas linguisticas dal persunal) sco er sin la represchentanza da las communitads linguisticas.

### **2.5.2 *Instrucziun da las linguas naziunales***

Il 1. da fanadur 2015 ha preschentà la Conferenza svizra da las directuras e dals directurs chantunals da l'educaziun publica (CDEP) ina bilantscha davart l'armonisaziun da la scola obligatoria. La CDEP constatescha che l'armonisaziun da l'instrucziun en iis chantuns saja oz uschè impurtanta sco anc mai. L'instrucziun da linguas restia anc adina in tema fitg actual. Quai demussa il fatg ch'igl èn vegnidas inoltradas en divers chantuns da la Svizra tudestga intervenziuns parlamentaras u iniziaticas che pretendan ch'i vegnia instrui be anc ina lingua estra sin il stgalim primar (en general englais). Tranter questas intervenziuns a favur d'ina suletta lingua estra en scola primara èn vegnidas refusadas quellas en iis chantuns Son Gagl, Berna, Soloturn, Schaffusa e Sursilvania. Il postulat «2. lingua estra sco rom facultativ sin il stgalim primar en il chantun Basilea-Champagna» è medemamain vegni refusà. En il chantun Turgovia ha il parlament approvà ina moziun che pretenda sulettamain ina lingua estra sin il stgalim primar. La regenza ha uss l'incarica dad applitgar questa moziun.

En iis chantuns Lucerna, Sutsilvania e Grischun èn vegnidas inoltradas iniziaticas dal pievel per eliminar l'instrucziun da duas linguas estras sin il stgalim primar. En il chantun Sutsilvania è l'iniziativa vegnida refusada en ina votaziun dal pievel, entant che quella en il chantun Grischun è vegnida declarada sco nunvalaivla tras il parlament a basa da sia incumpatibilitad cun la constituziun (in recurs che las iniziants ed iis iniziants han inoltrà a la dretgira chantunala è anc pendent).

En connex cun questa debatta davart l'instrucziun da lingua è vegnida inoltrada en il decurs dals onns 2014 e 2015 in'entira seria d'intervenziuns parlamentaras sin il plau federal. En sias respotas ha il cussegl federal rendì attent al fatg che la plurilinguitad saja ina particularitat da la Svizra che furma l'identitat che la Confederaziun ed iis chantuns hajan da cultivar. En quest regard gioga l'instrucziun

da las linguas naziunales ina rolla centrala per la promozion da la coesiun naziunala e la communicaziun tranter las communitads linguisticas. Il Cussegl federal pretenda dals chantuns ina soluziun che correspunda al senn da l'incumbensa da la constituziun per l'armonisaziun da la scola obligatorica che tegna quint da l'importanza da las linguas naziunales en l'instrucziun da la scola primara. El ha renvià pliras giadas al fatg che d'emprender d'ina seconda lingua naziunala a partir dal stgalim primar saja da grond'importanza per la coesiun naziunala e che soluziuns chantunales che pudessan chaschunar ina pregiudicaziun da la seconda lingua naziunala pericleteschian la coesiun naziunala e la chapientscha vicendaivla. Il Cussegl federal è da l'avis ch'el stuess intervegnir, sch'en in chantun vegniss mo anc instrui englais sco lingua estra sin il stgalim da la scola primara.

Sin giavisch da la cumissiun per scienza, educaziun e cultura dal Cussegl dals chantuns (CSEC) ha l'Uffizi federal da cultura (UFC) cumpilà in rapport davart l'armonisaziun da l'instrucziun da linguas estras a la scola obligatorica.

Il rapport explitgescha la pratica actuala da l'instrucziun da linguas a las scolas primaras, enumerescha las intervenziuns parlamentaras e las iniziativas dal pievel en ils chantuns ed examinescha las cundiziuns legalas per ina intervenziun da la Confederaziun per l'armonisaziun da l'instrucziun da linguas. En cas che la Confederaziun ha dad intervegnir, ha sia intervenziun d'observar il princip da la subsidiaridad.

### 2.5.3 *Barat scolastic*

En il rom da la Missiva da cultura 2016–2020 vul il Cussegl federal rinforzar las mesiras per promover il barat linguistic en Svizra (cf. part I, chapitel 2 da quest rapport).

Il Cussegl naziunal ha approvà durant la sessiun d'enviern 2014 in postulat da la cumissiun per scienza, educaziun e cultura dal Cussegl dals chantuns cun il titel «Concept per segiurns linguistics» (14.3670). Cun quest postulat incumbensescha il parlament il Cussegl federal d'elavurar en collavuraziun cun ils chantuns in concept cumplessiv per in barat linguistic sistematic a la scola populara e sin il stgalim secundar II e da mussar si vias per la finanziaziun. Il rapport vegn preschentà dal 2016.

### 2.5.4 *Talian en Svizra*

Il tschintgavel rapport da la Svizra da l'onn 2012 renviescha al status malsegir dal talian en l'instrucziun gimnasiala da tscherts chantuns da la Svizra tudestga (cf. part II, chapitel 1.6). Per s'occupar da questa sfida è vegnida creada ina grupper da laver da la cumissiun svizra da maturitat. Ella ha la finamira d'eruir ils impediments per l'instrucziun da talian e da proponer soluziuns als chantuns. La grupper da laver ha elavurà in rapport en questa chaussa. Quest mussa che la purschida e l'attractivitat da l'instrucziun da talian n'è betg optimalas a tut las scolas da maturitat, savens a basa da la quantitat dals emprendiders e la rentabilitat. Il rapport è vegnì discutà entaifer las autoritads politicas cumpetentas (Departament federal d'economia, furmaziun e retschertga DEFR e Conferenza svizra da las directuras e dals directurs chantunals da l'educaziun publica CDEP).

Suenter quest rapport ha la CDEP decretà recumandaziuns formalas per promover il talian als gimnasis (scolas da furmaziun generala dal stgalim secundar II per la preparaziun al studi universitar). La CDEP recumonda als chantuns da porscher en mintga gimnasi il talian sco rom da matura facultativ. Sche quai n'è betg pussaivel, per exemplu causa ina quantitat insuffizienta d'emprendiders, vegnan ils chantuns intimads da metter a disposiziun ina purschida en collavuraziun cun autres scolas entaifer u dador il chantun. Als chantuns vegni medemamain recumandà da promover l'instrucziun d'immersiun (instrucziun d'in rom betg linguistic en lingua taliana) u da realisar programs da barat cun regiuns italofonas. Ultra da quai vegnan ils chantuns envidads da far diever d'agids finanzials da la Confederaziun per promover las linguas naziunales en l'instrucziun confurm a la lescha da linguas e da preschentar a la Confederaziun projects innovatifs per rinforzar il talian als gimnasis. Las recumandaziuns da quests projects duessan alura vegnir realisadas dals chantuns. La realisaziun da las recumandaziuns vegn evaluada en tschintg onns.

Er a basa da quests svilups actuals ha il Cussegl federal decidì da recepir mesiras concretas per promover il talian en la Missiva da cultura 2016–2020.

#### *2.5.5 Lingua e minoritad dals Jenics en Svizra*

La Confederaziun sustegna gia daditg ils viagiants en Svizra e collavura stretgamain cun las organisazioni da las minoritads.

Il tema da la lingua e cultura jenica en Svizra ha cuntanschi dal 2014 ina nova dimensiun, d'ina vart en consequenza da protestas da la minoritad jenica che pretendia dapli pazzas stablas e da transit, da l'autra vart a basa d'acziuns politicas sin il stgalim parlamentar (inoltraziun d'intervenziuns parlamentaras per megliorar la situaziun dal Jenics en Svizra).

Il Cussegl federal renconuscha che las cundiziuns da basa per la moda da viver viagianta stoppiant vegnir meglioradas, surtut en quai che reguarda la dumonda da las pazzas stablas e da transit, dentant er en vista a l'access a la furmaziun e per rinforzar la cultura da las gruppas pertutgadas.

Uschè ha il Cussegl federal decis dal 2014 da crear ina gruppera da laver, en la quala èn represchentads differents uffizis federales, la CDEP ed insaquants chantuns sco er en la pluralitat las organisaziuns jenicas. La finamira da la gruppera da laver èsi d'elavurare in plan d'acziun cun mesiras per megliorar la moda da viver viagianta sco er per rinforzar l'identitat dals Jenics, Sinti/Manouche e Roma en Svizra.

Parallel a las protestas dals Jenics per dapli pazzas e renconuschientscha da lur minoritad han entschavì er ils Roma en Svizra a cumbatter per lur plazza en la societat e per ina renconuschientscha sco minoritad naziunala. Collià cun quai è er la pretensiun per la renconuschientscha da la lingua dals Roma sco lingua minoritara. Emprimas discussiuns cun represchentantas e represchentants dals Roma han gì lieu dal 2015.

### **3. Realisaziun da las recumandaziuns dal cussegl da ministers**

Las recumandaziuns dal cussegl da ministers sa drizzan exclusivamain al chantun Grischun. Nus renviain perquai al «Rapport dal chantun Grischun davart l'applicazion da la Charta europeica da las linguas regiunalas u minoritaras» en la part III da quest rapport.

## PART II: MESIRAS PER APPLIGAR L'ARTIGEL 7 DA LA CHARTA

### 1. Respostas da las autoritads svizras a las dumondas dal comité d'experts

Il chapitel suandant respunda a dumondas specificas dal comité d'experts per applitgar singulas disposiziuns da l'artigel 7 ch'en vegnidas suttamessas a las autoritads svizras en il tschintgavel rapport d'experts dals 10 da fanadur 2013 sco er en il catalog da dumondas dals 12 da favrer 2015.

§ 8. En il tschintgavel rapport d'evaluaziun giavischa il comité d'experts d'emprender ad enconuscher meglier la situaziun dal francoprovenzal en Svizra, ed el intimescha las autoritads svizras d'examinar en ina collavuraziun da las autoritads chantunalas cumpetentas cun represchentantas e represchentants da las personas che discurran francoprovenzal sche questa lingua saja da determinar sco lingua regiunala u minoritara en il senn da l'art. 1 al. a da la Charta.

Per garantir ina resposta da qualitat a la dumonda dal comité d'experts a la Svizra ha l'UFC dumandà ils chantuns pertutgads, tge pratica ch'els applitgeschian envers il francoprovenzal e tge mesiras ch'els prendian per promover questa lingua. Er directamain da las personas che discurran il francoprovenzal ha l'UFC vulì savair, tge ch'ellas fetschian per cultivar lur lingua.

#### *Situaziun dal francoprovenzal: svilup istoric en Europa e situaziun en la Svizra franzosa*

L'esistenza da la lingua francoprovenzala è cumprovada dapli il 6. tschientaner. Ella deriva dal latin vulgar, or dal qual èn naschidas traís linguas en Frantscha: en il nord la «Langue d'oïl», en il sid la «Langue d'oc» ed en la regiun intermediara a l'ost il francoprovenzal. Il territori dal francoprovenzal cumpigliava las regiuns actualas da Rhône-Alpes en Frantscha, La Val d'Aosta en Italia e la Svizra franzosa. Durant plirs tschientaners era el la lingua da mintgadi en tut ils secturs da la vita publica e privata. Oz è il francoprovenzal ina lingua periclitada da svanir, oravant tut en Frantscha ed en Svizra, nua ch'ella ha perdì bler terren. Perquai vegn ella menziunada en l'atlas da las linguas periclitadas dal mund da l'UNESCO.

Il francoprovenzal è sparì a partir dal 19. tschientaner en la pli gronda part da las regiuns da la Svizra franzosa, oravant tut sco consequenza da la politica da linguas en la Frantscha limitrofa: là valeva il diever exclusiv dal franzos en il senn da l'idea «in stadi, ina lingua», cun quai è vegni scumandà il diever dal francoprovenzal en scola. En ils chantuns catolics ha la lingua dentant survivì pli ditg ch'en ils chantuns refurmads, nua che la lectura da la Bibla en franzos ha accelerà la scumparsa dal francoprovenzal. Er en las regiuns nua che la maschaida culturala era gronda, sco per exempl en l'artg dal Giura caracterisà da l'industria d'uras, è il francoprovenzal sparì fitg spert.

La situaziun actuala dal francoprovenzal è differenta da chantun a chantun.

- En ils chantuns **Genevra e Neuchâtel** na datti pli nagin che discurra francoprovenzal; la lingua è sparida dal tut.
- En il chantun **Vad** è il francoprovenzal sparì dal 1806 or dal diever da mintgadi, quai vul dir en quel on ch'el è vegni scumandà. I na dat pli naginas personas ch'en da lingua materna francoprovenzala, dentant datti intginas personas che discurran la lingua e che han emprendì il francoprovenzal en curs purschids da la *Association vaudoise des amis du patois* (AVAP) e da la *Amicale Savigny-Forel*. Quests 81 commembers da l'AVAP ed ils 110 commembers da la *Amicale* pretendan ch'els dumognian bain la lingua a bucca ed en scrit.
- La dumbraziun dal pievel dal 2000 ha registrà en il chantun **Friburg** 3870 personas che discurran francoprovenzal («lingua da famiglia»). La *Société cantonale des patoisants* discurra oz da 4 000 fin 5 000 personas che discurran francoprovenzal; i na dat dentant naginas cifras exactas. La lingua vegn discurrida en ils tschintg districts francofons Gruyère, Broye, Glâne, Sarine e Veveyse, per gronda part da la gruppa da populaziun da las personas pli veglias che 65.
- En il chantun **Vallais** vegn discurri francoprovenzal da la generaziun pli veglia en tut ils districts dal Vallais Sut, oravant tut en las vischnancas situadas pli aut ed en las vals lateralas. En la dumbraziun dal pievel dal 2000 han inditgà en il Vallais 6 200 personas il francoprovenzal sco lingua discurrida. La vischnanca d'Evolène en la Val d'Hérens è in cas spezial causa sia relativa stabilitad demografica: La lingua vegn discurrida qua da tut las generaziuns en il sectur privat, en las societads ed

en la professiun. En occasiun da la votaziun dal pievel dal 2000 è la part da las persunas che discurran francoprovenzal vegnida stimada cun 55 percentsciant dals 1 522 abitants da la vischnanca.

#### *Mesiras da promozion per il francoprovenzal en Svizra*

Sulettamain en ils chantuns Friburg e Vallais exista anc in diever relativamain viv da la lingua. Communablamain cun il chantun Vad, nua che la vita da societads enturn il francoprovenzal è magari activa, porschan els numerusas activitads e mesiras da promozion per la lingua.

Differentas mesiras da promozion a favur da la lingua vegnan realisads dals chantuns respectivs e da las societads:

- La pratica da la lingua è vegnida recepida en la glista da las tradiziuns vivas dals chantuns Friburg, Vad e Vallais (sco er en l'inventari naziunal).
- Ils chantuns Friburg e Vallais prevesan in sustegn finanzial per projects en connex cun il francoprovenzal. Il chantun Vallais ha fundà la «Fundaziun per il svilup e la promozion dal patois» che duai gidar ad enconuscher, mantegnair e duvrar il francoprovenzal sco er a promover sia derasaziun en il Vallais e sur ils cunfins dal chantuns ora.
- En ils chantuns Friburg, Vad e Vallais datti chors, scuntradas, inscenaziuns da teater, vocabularis, poesias, revistas ed artitgels en lingua francoprovenzala. Mintg'onn ha lieu ina gronda festa internaziunala dal francoprovenzal, nua che sa scuntran persunas da la Svizra, da la Frantscha e da l'Italia che discurran francoprovenzal.
- A las scolas autas popularas da Friburg e dal Vallais datti curs da lingua per francoprovenzal sco er curs facultativs a las scolas primaras e secundaras da singulas vischnancas.
- Ultra da quai porschan las quatter universitads da la Svizra franzosa a Friburg, Losanna, Genevra e Neuchâtel en il rom dal studi dal franzos vegl curs da francoprovenzal. A Neuchâtel maina il center per dialectologia il *Glossaire des patois de la Suisse romande*, in project sin basa largia che registrescha il vocabulari dialectal da la svizra franzosa, dal francoprovenzal e dal Franc-comptois.

§ 19. En il tschintgavel rapport d'evaluaziun dumonda il comité d'experts infurmaziuns davart ils svilups actuals en connex cun las fusiuns da vischnancas ed il mantegniment e la promozion da la lingua rumantscha.

Infurmaziuns extendidas davart quest tema sa chattan en il rapport dal chantun Grischun en quest rapport (cf. part III).

§ 26. En il tschintgavel rapport d'evaluaziun dumonda il comité d'experts da las autoritads svizras infurmaziuns pli precisas davart ils agids finanzials a las organisaziuns dal viagiants.

En il rom da la consultaziun dal tschintgavel rapport d'evaluaziun dal comité d'experts (cf. agiunta 2 dal rapport dal comité d'experts dals 10 da fanadur 2013) ha la Svizra prendi posiziun. En il rom da la Missiva da cultura 2016–2020 (cf. punct 2.1.2) èsi prevesì d'augmentar il sustegn finanzial per mesiras da promozion da la lingua e cultura jenica.

§ 30. En il tschintgavel rapport d'evaluaziun encuraschescha il comité d'experts las autoritads cumpetentas da tscherner ina proposta structurada per proteger e promover la lingua tudestga en la vischnanca da Bosco Gurin.

Infurmaziuns pli detagliadas davart quest tema sa chattan en il «Rapport dal chantun Tessin davart l'applicaziun da la Charta europeica da las linguas regiunalas u minoritaras» a la fin da quest rapport (cf. part III).

§ 33. En il tschintgavel rapport d'evaluaziun exprima il comité d'experts l'opiniun che la situaziun particulara da la vischnanca germanofona Ederswiler pretendia ina politica structurada dal chantun. Quai duess succeder cun la deliberaziun d'in text giuridic specific per confermar la pratica existenta, en il qual il diever da la lingua tudestga vegn reglà cun las autoritads communalas.

Il dumber da las persunas germanofonas en la vischnanca d'Ederswiler è stabil tenor la statistica demografica da la chanzlia communal. Da las 117 abitantas ed abitants annunziads il 1. d'avust 2015 èn 107 da lingua materna tudestga. La gronda part dals uffants frequentan la scola en las vischnancas francofonas limitrofas da Soyhières e Movelier che furman dapi il 2009 in circul da scola communabel cun Ederswiler.

Dapi il 2013 metta il chantun Giura a disposiziun a la vischnanca da Ederswiler ina contribuziun pauschala da 5 000 francs l'onn, uschè ch'ella po cuvrir ils custs per la translaziun tudestga da las leschas communalas franzosas. La correspundenza da la chanzlia chantunala dal Giura cun la vischnanca vegn fatga medemamain en tudestg e metta a disposiziun a las votantas ed als votants d'Ederswiler il material da vuschar e da tscherner en lingua tudestga, sche quai è giavischà. Per ils auters servetschs chantunals na ston ils documents betg vegin translatads en tudestg.

Las relaziuns tranter il chantun e la vischnanca vegnan tut en tut consideradas sco bunas, dentant ha la chanzlia communal stui giavischar ch'insaquantas unitads administrativas tractian ils giavischs da las abitantas e dals abitants d'Ederswiler en tudestg. La chanzlia communalà è da l'avis che la situaziun saja daventada meglia e che la minoritat vegnia respectada; quai vegn er confermà da las autoritads communalas.

En vista a questas constataziuns considerescha il chantun Giura sco nun necessari da decretar in «text giuridic specific» u ina disposiziun supplementara per reglar ina «politica structurada» en sia lescha davart il diever dal franzos dals 17 da november 2010. La lescha garantescha en sias disposiziuns generalas il «respect da la libertad da lingua, dal princip territorial linguistic sco er il respect envers las minoritads e la multifariiad lingüistica». Ultra da quai menziunescha la lescha explicitamain che «la libertad da lingua ed ils dretgs da las burgaisas e dals burgais cun domicil d'abitar u cun domicil en la part betg francofona dal territori chantunal sco er ils dretgs da las corporaziuns publicas respectivas na sajan betg pertutgads da questa lescha». Per finir è la regenza da l'avis ch'il sustegn finzial a la vischnanca per las traducziuns en tudestg correspundia al basegn e possia vegin considerà sco «suffizient».

### *Illes chantuns bilings*

§ 37. En il tschintgavel rapport d'evaluaziun menziunescha il comité d'experts problems dal chantun Friburg en il diever da la bilinguitad, la promozion da la lingua franzosa en il chantun Berna sco er da la lingua tudestga en il chantun Giura. El encuraschescha las autoritads federalas d'utilisar ils agids finanzials en cunvegnentscha cun ils chantuns pertutgads per sustegnair ina politica structurada per il diever da la lingua tudestga en ils chantuns FR e JU.

En il rom da la consultaziun dal tschintgavel rapport d'evaluaziun (cf. agiunta 2 dal rapport dal comité d'experts dals 10 da fanadur 2013) ha la Svizra già prendì posiziun. Nus regurdain qua al fatg che la Confederaziun sostegna ils chantuns plurilings, Berna, Vallais e Grischun) per lur incumbensas spezialas en connex cun la bilinguitad/plurilinguitad. Ella ha stipulà cun mintga chantun in contract da prestaziun separà da plirs onns. Quels han la pussaivladad da fixar lur puncts centrals per la perioda dal contract. La Confederaziun intimescha en quest connex il chantuns plurilings d'inoltrar communabla main projects coordinads per trair a niz lur potenzial sco chantuns bilings/plurilings. I na dat però nagina proposta structurada comunabla dals chantuns, causa che mintgin ha sias atgnas cundiziuns e prioritads sin ses territori.

En quai che reguarda il chantun Giura guarda l'alinea survart. Il chantun Giura n'è betg pertutgà da questa collauraziun perquai ch'el n'è betg in chantun biling.

§ 41. En il tschintgavel rapport d'evaluaziun dumonda il comité d'experts ulteriuras infurmaziuns da las autoritads svizras en lur proxim rapport periodic davart la creaziun da la piazza d'ina persuna italoftona incumbensa per dumondas da medias.

L'onn 2014 èn vegnidàs inoltradas duas moziuns davart questa dumonda:

- Sin il plaun naziunal la dumonda Semadeni (14.1083) dals 25-09-2014 «Sustegn da l'infurmaziun per il ed or dal Grischun talian»: Il Cussegli federal vegn dumandà sch'el saja pront d'evaluar soluziuns per eliminar il deficit d'infurmaziuns supponì da la minoritat italoftona en il chantun Grischun, per exemplar tras in'extensiun dal mandat da prestaziun da la *Agentura da novitads Rumantscha* (ANR) u da la *Agentura telegrafica svizra* (ATS).

- Sin il plaun chantunal (chantun Grischun) pretenda il mandat Albertin dals 11-12-2014 «Mandat concernent rinforzar la coesiun sociala en il chantun Grischun tras la promozion da l'infurmaziun tranter las communitads linguisticas» da la regenza dal chantun Grischun d'estender la cunvegna da prestaziun da la ANR en cunvegnientscha cun las autoritads federalas e d'augmentar l'intermediaziun d'infurmaziuns en lingua taliana. Questas incumbensas na dastgassan dentant betg vegnir realisadas tras ina reducziun da la purschida da prestaziuns en rumantsch.

I n'è betg vegni creà in post d'in correspundent italofon. Las autoritads federalas èn dentant en discurs cun il chantun Grischun per examinar la pussaivladad da complettar il mandat da la ANR en il senn da las propostas da las duas intervenziuns. Ils resultats da las lavurs daventan ina part dal cuntegn da la proxima cunvegna da prestaziun tranter la Confederaziun (represchentà tras l'UFC) ed il chantun Grischun per ils onns 2016–2020. Resultats concrets pon vegnir preschentads en il proxim rapport periodic da la Svizra.

§ 45. En il tschintgavel rapport d'evaluaziun renviescha il comité d'experts al fatg che l'internet possia esser in instrument da promozion impurtant per la lingua ed encuraschescha las autoritads d'examinar questa pussaivladad. Ultra da quai las intimescha el d'examinar en collavuraziun cun las personas che discurran jenic, co che lur lingua pudess vegnir promovida en las medias.

En il rom da la consultaziun dal tschintgavel rapport d'evaluaziun dal comité d'experts ha la Svizra già prendi posiziun (cf. agiunta 2 dal rapport dal comité d'experts dals 10 da fanadur 2013). L'internet è bain in instrument da communicaziun nizzaivel per promover las linguas. Ils viagiants n'han dentant betg exprimi il giavisch che lur lingua vegnia promovida dapli en las medias. L'UFC è dentant sa declerà pront d'examinar in eventual sustegn d'in project da scola pussaivel che prevesa l'utilisaziun da skype per l'instrucziun a distanza d'uffants jenics durant lur temp da viadi.

## **2. Mesiras praticas e projects durant la perioda da rapport (2012–2015)**

*Creaziun d'instituziuns per promover la lingua taliana en Svizra (art. 7 al. 1 lit. c da la Charta)*

En il tschintgavel rapport da la Svizra è veginida preschentada la gruppera d'interess parlamentara «Italianità», fundada la primavaira 2012. En il decurs da questa perioda da rapport èn veginidas fundadas duas novas gruppares d'interess parlamentares per promover las linguas minoritaras e la plurilinguitad:

- La gruppera parlamentara «Lingua e cultura rumantscha» è veginida fundada il december 2013. Ina da las emprimas iniziativas da questa gruppera è stà il giavisch dal Cussegl federal da translatar la pagina web dal parlament en rumantsch (davart il postulat 12.3132 «Il parlament e la quarta lingua naziunala» da cusseglier naziunal e president da la gruppera Martin Candinas). Il postulat è veginì approvà, parts da la pagina web dal parlament stattan dapi il mars 2014 a disposiziun en rumantsch.
- La gruppera d'interess parlamentara «Plurilinguitad CH» è veginida fundada il zercladur 2015 cun la finamira da sensibilisar ils parlamentaris e las parlamentarias per la varietad linguistica e culturala dal pajais. La gruppera è naschida sut l'influenza da las discussiuns actualas en connex cun l'instrucziun da linguas ch'è stada per bleras parlamentarias e blers parlamentaris l'occasiun da s'engaschar per las linguas naziunals e la coesiun naziunala dal pajais. La nova gruppera d'interess cumplettescha en quest senn las gruppares d'interess che s'engaschan già per las linguas latinas («Italianità», «Lingua e cultura rumantscha»).

*Svilups actuals en las medias (art. 7 al. 1 lit. d da la Charta)*

Il parlament ha dà suatiendscha a la moziun Maissen dals 4 da mars 2010 ed incumbensà il Cussegl federal da pretender da la SSR d'intensivar sias contribuziuns a favur dal barat intercultural e da la communicaziun vicendaivla tranter las differentas regiuns linguisticas da la Svizra. Il Cussegl federal è plinavant veginì dumandà d'observar il svilup da la situaziun e da rapportar al parlament il pli tard la fin dal 2012 davart ils progress cuntanschids.

Ils 7 da december 2012 ha il cussegl federal preschentà latiers in rapport. Ils resultats da las examinaziuns mussan ch'ils programs da radio e televisiun na tractan strusch evenimenti da las autres regiuns. La quantitat dals rapports televisivs davart evenimenti en las autres regiuns linguisticas è relativamain pitschna. Sulettamain Radio Rumantsch è in'excepziun, quai che sa declera tras la pitschna dimensiun da l'atgna regiun sco er tras il fatg ch'i dat là pli paucs evenimenti, davart ils quals i vegin rapportà al radio ed a la televisiun en questa lingua.

Il Cussegl federal ha perquai dumandà la SSR da prender mesiras per accumplir meglier sia incumbensa da promover il barat tranter las regiuns linguisticas. Quest'incumbensa sto veginir accumplida tant via projects gronds sco er tras prestaziuns specificas; er ils programs d'infurmaziun quotidians ston contribuir insatge.

Sco consequenza da quest rapport ha la SSR prendi ina seria da mesiras correspondentes, tranter auter il barat da redacziuns dal teleschurnal, quai che ha chaschunà in grond resun en las medias. La purschida da prestaziuns a la televisiun en l'interess da la communicaziun (oravant tut emissiuns davart il barat da cultura tranter las regiuns da la Svizra) è creschi entaifer paucs onns. Il Cussegl federal è cuntent cun quest svilup, persequitescha dentant il tema cun attenziun er en avegnir

*Unitads d'instrucziun davart Jenics e Roma en Svizra (art. 7 al. 1 lit. f da la Charta)*

La Scola auta da pedagogia da la Scola auta da la Svizra dal Nordvest ha elavurà materials d'instrucziun per il stgalim secundar II che tractan detagliadament il tema Roma, Sinti e Jenics en Svizra e l'intermedieschan en maniera attractiva. L'unitad d'instrucziun duai esser ina contribuziun a la egualitat da las schanzas e l'egualitat dals dretgs da minoritads naziunals en Svizra e duai qua tras rinforzar la democrazia. Vi da l'exempel dals Roma, Sinti e Jenics en Svizra veginan discutads furmas, motivs ed effects da discriminaziun e marginalisaziun, differentas funtaunas veginan rendidas accessiblas ed i vegin intermedià in savair da basa istoric. Quest material è vegini creà en collauraziun cun il Center per democrazia Argovia ed è vegini sostegni finanzialmain dal Post spezialisà per cumbatter il rassissem. El stat a libra disposiziun da tut las personas d'instrucziun interessadas.

#### *Lingua jenica (art. 7 al. 1 lit. f da la Charta)*

Il project inizià da la Associaziun da viagiants e sostegni ed accumpagnà dapi il 2007 da la Confederaziun ha la finamira da documentar il stgazi linguistic jenic existent e d'al segirar per l'avegnir, d'elavurar la lingua jenica e da crear la basa per ina derasazion e promozion intenziunada da la lingua jenica en il circul dals viagiants sezs. Betg l'ultim duess el er pudair vegnir tratg a niz per la lavour da publicitat. En in emprim pass cumpiglia il project «lingua jenica» la realisaziun d'in DVD cun 18 intervistas en lingua jenica davart differents temas che reflecteschan la vita dals Jenics en il mintgadi e concernan oravant tut la lingua e cultura jenica.

Curt avant la terminaziun da questa emprima etappa è il project vegnì franà dals iniziants ed è ad interim sisti. Tranter las organisaziuns jenicas na van ins betg d'accord, sche il stgazi linguistic jenic duai vegnir publitgà. Per blers pertutgads è il jenic lur lingua da protecziun che n'è betg destinada per ina vasta publicitat. I dat dentant er vuschs tranter ils Jenics che pretendan ch'ina publicaziun en maletg e tun per mantegnair la lingua pudess er gidar ils Jenics per gronda part domiciliads da turnar tar lur ragischs linguisticas. Era la valur d'in tal product per la sensibilisaziun da la gronda part da la populaziun vegn discutada a moda cuntraversa tranter ils pertutgads. Las autoritads spetgan ch'ils Jenics formuleschian ina posizion communabla en questa dumonda, per che las lavurs respectivas possian puspè vegnir cuntinuadas.

#### *Instrucziun da rumantsch a las universitads svizras (art. 7 al. 1 lit. h da la Charta)*

L'entrada en pensiun dal titular da la professura per la lingua e cultura rumantscha a l'Universidad da Friburg sco er la pensiun imminenta da ses collega a l'Universidad da Turitg han provocà discussiuns en la cuminanza rumantscha davart il mantegniment da la retoromanistica sco rom universitar autonom. Ils chantuns Friburg e Grischun sco er l'Universidad da Friburg e la Scola auta da pedagogia dal Grischun èn vegnids d'accord en in contract davart ina professura per rumantsch a l'Universidad da Friburg. Las cunvegnes han la finamira da garantir a lunga vista la scolaziun universitara (studis da bachelor, da master e da doctorat) en rumantsch sco er la collavuraziun tranter l'Universidad da Friburg e la Scola auta da pedagogia dal Grischun sin il sectur da scolaziun, perfecziunament sco er perscrutaziun e svilup. Ultra da quai vegn integrà l'institut per plurilinguitad da Friburg anc pli fitg.

#### *Mesiras da sensibilisaziun e da revalitaziun per la Charta europeica da las linguas regiunalas u minoritaras en Svizra*

Il december 2013 han organisà l'UFC e la direcziun da dretg internaziunal public dal Departament federal d'affars exteriurs ina dieta davart il tema da las linguas minoritaras en Svizra, a la quala èn stadas en il focus oravant tut las sfidas da l'instrucziun da linguas en Svizra. Experts dal comité da la Charta sco er commembers da la giunta consultativa per la Convenziun da basa per la protecziun da minoritads naziunalas èn vegnids envidads a preschentar lur analisas. L'Autcummissaria per minoritads naziunalas da l'Organisaziun per la segirezza e la collavuraziun en Europa (OSCE) ha medememain rapportà davart sia proposta concernent il dretg da linguas.

## PART III: MESIRAS PER PROMOVER L'ADIEVER DA LINGUAS REGIUNALAS U MINORITARAS EN ILS CHANTUNS GRISCHUN E TESSIN

### A. Rapport dal chantun Grischun davart l'applicaziun da la Charta europeica da las linguas regiunalas u minoritaras

#### 1. Infurmaziuns generalas

##### 1.1. *Applicaziun da la lescha da linguas chantunala*

Il mars 2015 ha la regenza grischuna revedì l'Ordinaziun da linguas chantunala e creà uschè la baza per enquistas da datas davart il diever da linguas sin il plau communal che duain substituir la dumbraziun dal pievel federala che na vegn betg pli fatga sco enquisa cumplaina (en applicaziun da l'art. 16 lit. 4 LLingGR).

L'Ordinaziun da linguas adattada prevesa in'actualisaziun dal material da datas statistic per vischnancas selecziunadas. Concret fa il chantun enquistas sin proposta da vischnancas, en las qualas la part da la communidad linguistica oriunda è tranter 50 e 20 pertschient. Per exemplu valan vischnancas sco stgettata main rumantschas respectivamain italofonas, sche almain 40 pertschient dals abitants èn rumantschs respectivamain italofons. Plurilinguas èn las vischnancas, en las qualas abitan pli che 20 pertschient persunas da lingua rumantscha respectivamain taliana (cf. Ordinaziun da linguas chantunala, art. 19a).

##### 1.2. *Fusiuns da vischnancas*

§ 19. En il tschintgavel rapport d'evaluaziun giavischa il comité d'experts da retschaiver infurmaziuns davart ils svilups actuals en regard a las fusiuns da vischnancas ed il mantegniment e la promozion da la lingua rumantscha.

Concernent las fusiuns da vischnancas fixescha la lescha da linguas chantunala: «Sche duas u pliras vischnancas monolinguas u plurilinguas fusiuneschan, vegnan applitgadas tenor il senn las disposiziuns da questa lescha davart il diever da las linguas uffizialas e davart las linguas da scola» (art. 23 LLingGR). Causa che la lescha è formulada or da la perspectiva da las linguas minoritaras, sa refere scha la nozio «monolinguas» da l'artitgel cità a la lingua rumantscha e taliana, dentant betg a la lingua tudestga. Per fusiuns da vischnancas al cunfin cun il territori linguistic tudestg n'è l'artitgel 23 perquai betg applitgabel.

Questa «largia legala» apparenta è dentant vulida; mintga fusiun da vischnancas rumantschas cun vischnancas da lingua tudestga ha lieu en in ambient sociolinguistic specific e pretenda perquai soluziuns «da sutensi» empè da «da surengiu». Cun auters pleuds: Sco ch'i vegn reglada la plurilinguitad en il cas da la vischnanca dad Ilanz/Glion e da las ulteriuras vischnancas novas al cunfin linguistic na sa lascha betg deducir in ad in da la lescha da linguas, mo quai sto vegnir discutà dals participads sezs sin il lieu e fixà a moda impegnativa. Il chantun surveglia latiers l'observanza dal dretg surordinà.

Per exemplu frequentan scolaras e scolars d'anteriuras vischnancas rumantschas en la nova vischnanca fusiunada vinavant impegnativamain la scola rumantscha. Medemamain ha la vischnanca nova en la correspundenza, en occasiun da la radunanza communal euv. da resguardar commensuradament la lingua rumantscha. En questa furma generala daventa la convenziun linguistica part dal contract da fusiun e/u da la constituziun da la vischnanca nova che ston vegnir approvads da la regenza chantunala.

La realisaziun en ina pratica sin il lieu pretenda alura in tschert temp. En in emprim pass è p. ex. vegnida messa online la pagina d'internet rumantscha da la vischnanca dad Ilanz/Glion; en il fratemps èn vegnidas messas en vigur ad Ilanz/Glion er ina lescha communal davart las linguas uffizialas ed ina lescha per promover las linguas (per il 1-8-2015). Quests documents èn vegnids elavurads en stretga collauraziun cun la Lia Rumantscha e garanteschan che la lingua rumantscha vegnia resguardada tenor las prescripcziuns surordinadas.

### *1.3. Il rumantsch grischun en scola*

Dapi il tschintgavel rapport da la Svizra da l'onn 2012 n'hai dà naganas midadas da scolas rumantschas dal rumantsch grischun a l'idiom u viceversa. La discussiun è damai sa spustada da la politica comunala a las dumondas da didactica da linguas. La basa per questa discussiun ha furmà anc adina il model da coexistenza dals onns 2011/12.

A basa da quai è la lingua rumantscha entrada en il plan d'instrucziun 21 incumbensà da la CDEP. La versiun da consultaziun è vegnida publitgada il zercladur 2013, la versiun repassada è vegnida deliberada da la CDEP il november 2014. Tuttas duas versiuns cuntegnan or da la vista da Pro Idioms cumpetenzas memia vastas dal rumantsch grischun. En tge furma ch'il chantun Grischun vegn ad introducir il nov plan d'instrucziun è actualmain er object d'ulteriurs scleriments.

Da l'autra vart han ins pudì introducir pass da realisaziun concrets en il sectur medis d'instrucziun: Il november 2014 ha la regenza dà l'incumbensa per in concept cumplessiv concernent novs medis d'instrucziun en ils idioms; l'avrigl 2015 ha pudì vegnir deliberà il concept detaglià che sa chatta actualmain en la fasa da realisaziun.

Parallel a quests svilups è vegnì terminà il perfecziunament dals magisters en las vischnancas da rumantsch grischun (2014) sco er cuntinuà la generaziun da medis d'instrucziun en rumantsch grischun fin tar la 9. classa (terminaziun stad 2015).

### *1.4. Organisaziuns novas en il sectur promozion da linguas*

Il Forum per l'italiano in Svizzera è vegnì fundà il november 2012; commembers da fundaziun èn stads tant ils chantuns Tessin e Grischun sco er organisaziuns linguisticas ed instituziuns culturalas e da medias da tuts dus chantuns. Davart ils champs d'activitat da l'organisaziun nova infurmescha la homepage <http://www.forumperitalianoinsvizzera.ch>

### *1.5. Realisaziun da las recumandaziuns dal comité da ministers*

#### Recumandaziun 1 dal comité da ministers

Las autoritads svizras han da garantir tar l'introducziun dal rumantsch grischun en l'instrucziun ch'i vegnia resguardà il diever dal dialect tradiziunal per proteger e promover il rumantsch sco lingua viva.

Cf. las explicaziuns survart sut punct 1.3.

#### Recumandaziun 2 dal comité da ministers

Las autoritads svizras duain promover il diever dal talian en activitads economicas e socialas en il sectur public dal chantun Grischun.

La posiziun da la regenza en questa dumonda correspunda anc adina a sia resposta a la dumonda parlamentara corrispondenta Pedrini concernent l'italianitàd en l'administraziun chantunala da l'onn 2011. Tenor quella resposta èn las instituziuns autonomas e las ulteriuras instituziuns liadas a l'administraziun sensibilisadas per las dumondas dal diever da las linguas minoritaras dal chantun e premurads da mantegnair en il rom da l'incumbensa da basa respectiva ina purschida corrispondenta, resp. da schlargiar questa. La regenza beneventa questas stentas explicitamain, ella respecta dentant er la posiziun autonoma da questas instituziuns.

## 2. Mesiras per promover il rumantsch tenor las disposiziuns da promozion da la Charta

### 2.1. *Artitgel 8: Furmaziun*

- § 66. En il tschintgavel rapport d'evaluaziun giavischa il comité d'experts da survegnir infurmaziuns davart il svilup da l'introduziun dal rumantsch grischun en l'instrucziun. El accentuescha ch'in dialog structurà seja fitg impurtant per applitgar cun success il model da coexistenza en la pratica.

Cf. latiers las explicaziuns survart sut punct 1.3.

- § 70. En il tschintgavel rapport d'evaluaziun giavischa il comité d'experts da survegnir ulteriuras infurmaziuns da las autoritads svizras cumpetentas davart ils effects da l'engrais tempriv per l'instrucziun dal rumantsch.
- § 74. En il tschintgavel rapport d'evaluaziun animeasca il comité d'experts las autoritads svizras cumpetentas da prender mesiras positivas per garantir la furmaziun da persunas d'instrucziun dal stgalim secundar en rumantsch.

En la perioda d'examinaziun actuala è la dumonda da la posiziun e las mesiras en favur da las linguis minoritaras sin il sectur da scola vegnida messa a chantun sco consequenza da l'iniziativa dal pievel chantunala «Mo ina lingua estra en scola primara» (Iniziativa da linguis estras). Questa prevesa per la scola primara ina limitaziun a mo ina lingua estra obligatoria: Englais en il territori germanofon e tudestg en il territori rumantsch ed italofoon. En la sessiun d'avrigl 2015 ha il Cussegl grond declerà l'iniziativa sco nunvalaivla (cf. la missiva respectiva da la regenza). Sin quai ha il comité d'iniziativa inoltrà in recurs constituzional a la dretgira administrativa. La sentenzia è anc averta.

### 2.2. *Artitgel 9: Autoritads giudizialas*

- § 78. En il tschintgavel rapport d'evaluaziun pretenda il comité d'experts da las autoritads svizras d'inditgar exemplis concrets davart il diever pratic dal rumantsch en dretgiras districtualas.

La dumonda è vegnida examinada exemplaricamain vi da l'exempel da la regiun Surselva bilingua. Tanor las respotas retschavidas vegn la gronda part dals cas giuridics inoltrada en tudestg e la maioritat da las actas vegnan scrittas en tudestg. Quai dependa tranter auter dal fatg che las giuristas ed ils giurists absolvant lor furmaziun en lingua tudestga, ch'ils terms tecnics èn pli disponibels en tudestg e ch'igl èn savens involvidas partidas da lingua tudestga. Malgrà tut ha la dretgira districtuala confermà ch'i dettia era cas che vegnan manads en lingua rumantscha. Qua èsi impurtant d'accentuar che il dretg surordinà lascha avert la tscherna da la lingua. En la pratica dependa dentant la decisiun a favur da la lingua rumantscha savens da la buna veglia u da la proposta concreta da singulas persunas involvidas. Las respotas mussan ultra da quai ch'en il sectur a bucca vegnia pli savens fatg diever da la lingua rumantscha, numnadaman en praticamain tut ils cas, en ils quals tut las partidas domineschan la lingua rumantscha. Medemamain vegn la lingua rumantscha adina puspè applitgada tar ils fatgs da notariat (p. ex. dretg matrimonial, dretg d'ierta), e quai er en furma scritta tar la redacziun dals documents.

- § 82. En il tschintgavel rapport d'evaluaziun pretenda il comité d'experts da las autoritads svizras infurmaziuns detagliadas davart texts da lescha naziunals impurtants ch'en vegnids translatads en rumantsch.

Decrets impurtants da la Confederaziun stattan a disposiziun en rumantsch, per exemplu la Constituziun federala, il Cudesch civil svizzer, il Cudesch penal svizzer, la lescha davart ils dretgs politics, la lescha da transparenza, la lescha da linguis e numerusas ulteriuras leschas. Ils decrets existents vegnan adina actualisads, mintg'onn vegnan translatads almain 2-3 decrets novs. La survista cumplettia ed actuala sa chatta sut [www.admin.ch/ch/r/rs/rs.html](http://www.admin.ch/ch/r/rs/rs.html).

## 2.3. *Artigel 10: Autoritads administrativas e gestiuns da servetschs publics*

- |       |  |
|-------|--|
| § 85. | En il tschintgavel rapport d'evaluaziun pretenda il comité d'experts da las autoritads svizras infurmaziuns detagliadas davart formulars e disposiziuns administrativas en rumantsch duvrads en general per la populaziun. |
|-------|--|

### A nivel federal:

Mintg'onn vegnan translatadas en rumantsch circa 1700 paginas A4 da text. En collavuraziun cun ils uffizis federales e departaments vegnan identifitgadas permanentamain publicaziuns impurtantas, da las qualas la translaziun en rumantsch correspunda ad in basegn, ha senn ed è realisabla; l'impurtanza dals texts online crescha adina dapli.

Exempels per publicaziuns e paginas d'internet ch'en vegnidas elavuradas e publitgadas en collavuraziun cun auters uffizis federales èn:

- La Confederaziun en furma concisa
- broschuras d'infurmazion da la ChF
- Vote électronique
- ABC dals dretgs politcs
- Broschuras d'infurmazion dal DFF
- Terz rapport da la Svizra davart la cunvegna da basa per la protecziun da minoritads naziunalas
- Flyer dals Servetschs linguistic da la ChF
- [www.bk.admin.ch](http://www.bk.admin.ch)
- [www.cusseglfederal.ch](http://www.cusseglfederal.ch)
- [www.ch.ch](http://www.ch.ch)
- [www.admin.ch](http://www.admin.ch)
- [www.statistica-svizra.ch](http://www.statistica-svizra.ch)
- [www.edi.admin.ch](http://www.edi.admin.ch)
- [www.civicampus.ch](http://www.civicampus.ch)

(ina glista cumplessiva sa chatta sut:

[www.bk.admin.ch/dokumentation/sprachen/06483/index.html?lang=rm](http://www.bk.admin.ch/dokumentation/sprachen/06483/index.html?lang=rm))

### A nivel chantunal:

Il Cedesch da dretg grischun vegn manà cumplettamain en tut las trais linguis chantunais:

[http://www.gr-lex.gr.ch/frontend/texts\\_of\\_law?locale=rm](http://www.gr-lex.gr.ch/frontend/texts_of_law?locale=rm)

Medemamain è il cedesch da documents grischun disponibel en lingua rumantscha:

<http://www.chatta.ch/index.php?id=1336&hiid=663>

En il sectur dals dretgs politcs vegnan publitgads ils documents da votaziun adina er en lingua rumantscha: <http://www.chatta.ch/index.php?id=1336&hiid=141>

Il medem vala per las communicaziuns per las medias:

<http://www.gr.ch/RM/medias/communicaziuns/MMStaka/Seiten/AktuelleMeldungen.aspx>

E medemamain per la cumparsa d'internet dal chantun

<http://www.gr.ch/rm/chantun/Seiten/Bainvegni.aspx>

Sin il plau dals singuls uffizis exista medemamain bler material (broschuras, documents, formulars) en lingua rumantscha. Cf. p. ex. en il sectur da la scola populara:

<http://www.gr.ch/RM/instituziuns/administraziun/ekud/avs/documentaziun/scolapopulara/Seiten/Formulare.aspx>

U tar l'Uffizi da vischnancas:

<http://www.gr.ch/RM/instituziuns/administraziun/dfg/afg/documentaziun/Seiten/Fatgs%20da%20vischnancas.aspx>

99. En il tschintgavel rapport d'evaluaziun animescha il comité d'experts las autoritads svizras da rinforzar ils servetschs da traducziun chantunals.

Per resguardar las linguas minoritaras en la lavur da las autoritads chantunals ha la regenza prendì posiziun extendidamain l'avust 2014 en sia resposta a la dumonda Papa ed accentuà l'adequatezza da la pratica actuala, dentant er signalisà la prontezza per ulteriurs sforzs en collavuraziun cun la Confederazion.

2.4 *Artitel 13: Vita economica e sociala*

113. En il tschintgavel rapport d'evaluaziun animescha il comité d'experts las autoritads chantunals dal Grischun da prender las mesiras necessarias per promover la lingua taliana en instituziuns cun incumbensas chantunals.

Cf. latiers las explicaziuns da survar sut punct 1.5.

## B. Rapport dal chantun Tessin davart l'applicaziun da la Charta europeica da las linguis regiunalas u minoritaras

### 1. Infurmaziuns generalas

Per ina preschentazion extendida da la situaziun linguistica e da dretg constituziunal dal chantun Tessin vegn renvià al quart rapport da la Svizra da l'onn 2009 (Part III, Rapport dal chantun Tessin, Infurmaziuns generalas). Nova en il chantun Tessin è la deliberaziun da la lescha per promover la cultura dals 16 da december 2013 sco er l'ordinaziun executiva respectiva dals 16 da december 2014. L'artitgel 9 da questa lescha menziunescha explicitamain l'impurtanza dal mantegniment e da la promoziun da la lingua e cultura taliana.

#### Art. 9

*<sup>1</sup>Il chantun metta la prioritad sin la promoziun e sin il mantegniment da la lingua e cultura taliana.*

*<sup>2</sup>Quest'incumbensa po vegnir realisada cun:*

- a) *sustegnair projects publics u privats che contribueschan al mantegniment da l'ierta culturala materiala ed immateriala;*
- b) *promover mesiras punctualas sco er programs da perscrutaziun e documentaziuns che intermedieschan l'identidad linguistica istorica, sociala e culturala dal chantun;*
- c) *dar contribuziuns finanzialas per activitads, societads u programs sin il sectur dal barat da cultura che persequiteschan la finamira menziunada e che vegnan promovids da terzas persunas chantunalias u extrachantunalias;*
- d) *sa participar ad occurrentzas selecziunadas che han lieu en auters chantuns u stadis e nua che la represchentanza da l'italianitat è spezialmain giavischabla.*

En il rapport da la cumissiun da dretg ch'è vegnida incumbensada cun l'examinaziun da la missiva nr. 6804 dals 28 da matg 2013 drizzada al parlament tessinais vegnan fixadas las finamiras che duain vegnir persequitadas da la regenza chantunala tras la lescha nova. En questa categoria tutga tranter auter *la reponderaziun da la rolla dal Tessin sco represchentant da la lingua e cultura taliana entaifer la Confederaziun per mantegnair e promover las valurs da l'italianitat, cun consolidar «quai che ans distingua ed ans rinforza sco minoritad».*

### 2. Commentaris dal chantun Tessin davart la politica da linguis da la Confederaziun

#### 2.1 *Il talian en l'administratiun federala*

En il tschintgavel rapport da la Svizra da l'onn 2012 (Part III, Rapport dal chantun Tessin, 2.1.1) ha il chantun Tessin exprimì ses quità concernent la represchentanza stgarsa dal talian entaifer l'administratiun federala, il diever rar u be secundar da la lingua taliana en las communicaziuns e concurrenzas publicas, la preferenza da l'englais sco lingua supplementara en l'internet sco er la mancanza u l'absenza da translaziuns talianas.

Cun gronda satisfacziun e renconuschiantscha per la lavur da tscherts departaments (oravant tut dal departament da l'intern cun l'UFC) po perquai vegnir communityà en quest rapport ch'ins haja cuntanschi numerus progress. Insaquants sun da grond'impurtanza per la lingua taliana:

- En la nova Missiva da cultura 2016–2020, deliberada dal parlament l'onn 2015, è la derasaziun e promoziun da la lingua taliana entaifer la Confederaziun da nov ina part centrala da l'axa d'acziun «Coesiun sociala».
- Plinavant ha entschavì il 1. d'avust 2013 ina Tessinaisa en la piazza da delegada per plurilinguitad da la Confederaziun, ina piazza cun ina vasta sfera da cumpetenza che sa chatta da nov directamain en il secretariat general dal departament federal da finanzas (DFF).

## 2.2. Talian en las regiuns betg italofonas

Qua sut vegnan preschentadas duas mesiras impurtantas per intermediar e promover la lingua taliana en Svizra ch'èn vegnidas sviluppadas durant ils onns 2013–2015 e ch'existan vinavant. Ellas duain cumbatter las tendenzas negativas menziunadas en il tschintgavel rapport da la Svizra da l'onn 2012 (Part III, Rapport dal chantun Tessin, 2.1.1.2, p. 36).

- *Forum per l'italiano in Svizzera* (cf. part II, chapitel 2 dal preschent rapport): Il Forum per il talian en Svizra è vegni fundà sin iniziativa dals chantuns Tessin e Grischun la fin da november 2012 ed ha entschavì sia activitat l'onn 2013. El ha la finamira dad integrar la lingua taliana commensurada-main en il rom da la plurilinguitad constituziunala da la Svizra fin l'onn 2020.

Per cuntanscher quai ha il Forum stgaffi quatter gruppas da laver tematicas: 1. Lingua naziunala svizra uffiziala talian; 2. La populaziun svizra dominescha la lingua taliana; 3. Cultura taliana e svizra-taliana en Svizra; 4. Quadrilinguitad svizra e las sfidas da la globalisaziun.

L'onn 2015 cumpiglia il Forum già 36 organisaziuns ([www.forumperlitalianoinsvizzera.ch](http://www.forumperlitalianoinsvizzera.ch)).

Dal 2015 ha il Forum plinavant promovi il *Totem interattivo sull'italiano nella Confederazione* ch'è vegni realisà da la RSI e la SUPSI (*Scuola universitaria professionale della Svizzera italiana*) e coordinà scientificamain da la professura per litteratura taliana da l'universitat da Turitg. El sa manifestescha en il Tessin, en Svizra sco er en Italia en il rom d'occurrenzas sco l'Expo 2015.

- *Identità+*. *Settimana della lingua italiana* è in program da plirs onns che ha entschavì dal 2013 e che vegni promovì da l'Università della Svizzera italiana. En il decurs da l'onn 2015 è el er vegni sustegni dal chantun Tessin. Il program ha sco finamira l'intermediaziun da la lingua taliana. Quai duai vegnir cuntanschi oravant tut cun agid da la promoziun dal barat da classas tranter gimnasis da la Svizra taliana, tudestga e franzosa sco er la creaziun d'in «Miniparlament» per rinforzar la coesiun naziunala tranter giuvenils e regiuns.

## 2.3. Posiziun davart la lingua dals Gualsers a Bosco Gurin

§ 30. En il tschintgavel rapport d'evaluaziun encuraschescha il comité d'experts las autoritads cumpetentas da tscherner ina proposta structurada per proteger e promover la lingua tudestga en la vischnanca da Bosco Gurin.

Or da la vista da las autoritads chantunalas è la problematica vegnida preschentada suffizientamain già en ils rapports precedents da la Svizra. La sminuziun da las persunas che discurran il dialect gualser ha già entschavì en ils onns enturn 1950 e 1960 cun la schliaziun da las structuras economicas oriundas da la vischnanca. Questas sa basavan principalmain sin l'agricultura muntagnarda e la producziun d'artisanat en in territori isolà. Per schiliar il problem sto en emprima lingua vegnir sustegnida l'economia actuala en furma dal turissem da stad e d'enviern. A basa d'ina rait economica persistenta che manca vegn la sminuziun da la populaziun residenta dentant er canticuar en il futur (da preschent viven in pau dapli che quaranta persunas en la vischnanca, da quellas discurran be anc var trenta il tudestg gualser). Il departament responsabel per la cultura e las linguas, il «Dipartimento dell'educazione, della cultura e dello sport (DECS)» è perquai persvadi che las mesiras a favur d'iniziativas ed occurrenzas culturalas na vegnan betg a pudair midar u franar il process da schliaziun.

Il DECS ha conferma la cunvegna da prestaziun cun il museum «Walserhaus» a Bosco Gurin er per ils onns 2015–2018 e garanti in sostegn finanzial considerabel per las activitads e l'infrastructura. El è plinavant pront da sustegnair novas mesiras culturalas per intermediar la lingua e cultura dals Gualsers, sch'ins chatta partenari(a)s local(a)s che pon organisar talas activitads da maniera persistenta. Cun agid dal center per dialectologia ed etnografia che tgira il contact cun museums etnografics (tranter quels er il «Walserhaus»), ha il DECS entschavi a tschertgar tals partenaris, sco che la *Associazione Paesaggio Bosco Gurin* pudess per exemplu promover mesiras che mettan en colliaziun la situaziun dals Gualsers a Bosco Gurin cun ils fatgs cumparegliabels en il Pomatt u en regiuns da la Svizra.

Il DECS na sa betg, sche las singulas mesiras da la vischnanca da Bosco Gurin a favur d'in augment da la populaziun residenta (menziunadas en l'ultim rapport da la Svizra da l'onn 2012) èn già vegnidas instradadas. Il DECS n'ha retschavi nagina dumonda per sostegn finanzial en questa chaussa.

### 3. Mesiras per promover il talian tenor las disposiziuns da promozion da la Charta

#### *3.1. Artitgel 8: Furmaziun*

Sco gia menziunà en ils anteriurs rapports da la Svizra, èn cuvernadas cumplainamain tut las disposiziuns da l'artitgel 8.1 da la Charta (q.v.d. 8.1.a.i., 8.1.b.i, 8.1.c.i, 8.1.d.i, 8.1.f.i, 8.1.g ed 8.1.h) tras la legislaziun da scola actuala en il chantun Tessin. Causa ch'i n'ha dat naginas midadas pli grondas en quest sectur, renviain nus al tschintgavel rapport da la Svizra da l'onn 2012 (Part III, Rapport dal chantun Tessin, chapitel 2.2.1, Furmaziun).

Il project preschentà en il tschintgavel rapport «Curs d'instrucziun minimal talian» (CMI) è en il fratemps vegni terminà cun success. Dal 2015 ha el chaschunà la realisaziun d'in curs d'instrucziun da talian per persunas d'instrucziun e students da las otras regiuns linguisticas en il *Dipartimento formazione e apprendimento* (DFA, anteriura scola auta da pedagogia) da la SUPSI. Il project è vegni realisà en collavuraziun cun il *Osservatorio linguistico della Svizzera italiana* (OLSI).

En ina interpellaziun dal 2015 ha in cusseglier naziunal tessinais renvià al fatg che l'instrucziun da las linguis naziunalas als gimnasis stoppia anc adina vegnir meglierada. Sut las purschidas per emprender ina seconda lingua naziunala u ina lingua estra (q.v.d. englais) en la Svizra tudestga e franzosa na vegnia il talian savens gnanca purschì sco rom facultativ (cuntrari a las disposiziuns per reglar la maturitatad gimnasiala). L'instrucziun da las linguis naziunalas a las scolas professiunalas vegn ad esser object d'examinaziun d'ina proxima sesida da suprastanza dal *Forum per l'italiano in Svizzera*.

#### *3.2. Artitgel 9: Autoritads giudizialas*

Sco gia menziunà en ils anteriurs rapports da la Svizra correspundan las leschas dal chantun Tessin a las disposiziuns da l'artitgel 9 da la Charta europeica da las linguis regiunalas u minoritaras. Causa ch'i n'ha dat naginas midadas pli grondas en quest sectur durant ils ultims sis onns vegn renvià al quart rapport da la Svizra da l'onn 2009 (Part III, Rapport dal chantun Tessin, chapitel 2.2, p. 103).

#### *3.3. Artitgel 10: Autoritads administrativas e gestiuns da servetsch public*

Sco gia menziunà en ils anteriurs rapports da la Svizra correspunda il dretg vertent dal chantun Tessin cumplainamain a las mesiras prevedidas en l'artitgel 10.1.a.i., 10.1.b, 10.1.c, 10.2.a–g, 10.3.a., 10.4.b e 10.5. Causa ch'i n'ha dat naginas midadas pli grondas en quest sectur durant ils ultims sis onns vegn renvià al quart rapport da la Svizra da l'onn 2009 (Part III, Rapport dal chantun Tessin, chapitel 2.3, p. 103).

#### *3.4. Artitgel 11: Medias*

En regard a las cumpetenzas respectivas dal chantun Tessin èsi gia vegni renvià en ils anteriurs rapports da la Svizra al fatg ch'il dretg vertent e la pratica actuala correspundian a las disposiziuns da l'artitgel 11 da la Charta. Causa ch'i n'ha dat naginas midadas pli grondas en quest sectur durant ils ultims traís onns vegn renvià al tschintgavel rapport da la Svizra da l'onn 2012 (Part III, Rapport dal chantun Tessin, chapitel 2.2.4, p. 39).

La collavuraziun tranter il chantun en il sectur da cultura da la RSI (*Radiotelevisione svizzera di lingua italiana*) è anc adina optimala. Il chantun ha sustegni insaquantas iniziativas culturalas da la RSI cun focus sin la lingua taliana, per exemplu dal 2015 l'inscenaziun *Teen Dante* en occasiun dal 750. giubileum da la naschientscha dal poet Dante Alighieri. Medemamain hai dà ina collavuraziun dal chantun cun la RSI e Pro Helvetia per promover ina *Borsa di scrittura teatrale della Svizzera italiana* (stipendi per auturas ed auturs da teater da la Svizra taliana), da la quala è sa resultada suenter ina lectura scenica da l'onn 2013 l'inscenaziun d'in toc teater l'onn 2014. Dal 2014 ha la RSI da sia vart ed en collavuraziun cun il DECS ed il Migros per tschient da cultura Tessin lantschà il project «Italiano lingua di frontiera» (Lingua da cunfin talian) per intensivar la debatta davart la conuschientscha da la lingua taliana. Da quai è resultà in DVD che ha er già success tar il public giuven; il retgav da sia vendita è i en in fond per promover il talian ch'è vegni endrizzà per il barat da students d'autras regiuns linguisticas e dal Tessin.

### **3.5 Artitgel 12: Activitads ed instituziuns culturalas**

Las activitads ed instituziuns culturalas multifaras sco er l'applicaziun da las contribuziuns federalas prevedidas per ellas èn descrittas en ils rapports annuals dal departament chantunal da furmaziun, cultura e sport per mauns da l'UFC.

[www.ti.ch/decs/dcsu/cosa-facciamo/resoconti-annuali](http://www.ti.ch/decs/dcsu/cosa-facciamo/resoconti-annuali)

Ultra dals programs ch'èn gia vegnids enumerads en il tschintgavel rapport da la Svizra da l'onn 2012 (Part III, Rapport dal chantun Tessin, chapitel 2.2.5) e che cuntinueschan anc adina (sco il *Osservatorio linguistico della Svizzera italiana* u il *Osservatorio culturale del Cantone Ticino*) èn vegnids lantschads durant ils ultims trais onns quatter novs programs sut l'egida dal DECS: il Servetsch bibliografic (*Servizio bibliografico*), il project Onomastica tessinaisa (*Onomastica ticinese*), la digitalisaziun da las publicaziuns dal chantun sin il sectur cultural (*Digitalizzazione delle pubblicazioni*) sco er in project da perscrutaziun da persunalitads da renun dal Tessin (*Personaggi illustri*).

### **3.6 Artitgel 13: Vita economica e sociala**

Sco gia menziunà en ils anteriurs rapports da la Svizra, correspundan il dretg vertent e la pratica actuala dal chantun Tessin a las disposiziuns da l'artitgel 13.1.d e 13.2.b da la Charta. Causa ch'i n'ha dat naginas midadas pli grondas en quest sectur durant ils ultims sis onns, vegn renvià al quart rapport da la Svizra da l'onn 2009 (Part III, Rapport dal chantun Tessin, chapitel 2.6, s. 104–105).

### **3.7 Artitgel 14: Barat suror ils cunfini naziunals**

Oravant tut sin il sectur da la vita economica e sociala, la furmaziun e la cultura exista vinavant e cun grond success ina collavuraziun transconfinala intensiva tranter il chantun Tessin e l'Italia, surtut cun las provinzias limitrofas ch'èn s'unidas cun il chantun Tessin a la regiun Insubrica. En numerus secturs entschaiva a nascher ina collavuraziun directa tranter il Tessin e las instanzas talianas sin il plaun local e provincial. Ultra dals projects Interreg menziunads en il tschintgavel rapport da la Svizra da l'onn 2012 è vegni clamà en vita dal 2014 il program da barat cultural binaziunal «Viavai – contrabbando culturale Svizzera Lombardia» tras la Pro Helvetia, en collavuraziun cun il chantun Tessin ed ulteriurs acturs. El sa basa sin l'axa transconfinala e transalpina e duai promover la naschientscha da colliaziuns durablas tranter instituziuns culturalas ed acturs culturals d'omadus pajais. Quai duai vegnir cuntanschì tras projects en ils secturs dals arts performativs, da la litteratura sco er da l'architectura e la fotografia che mettan l'impurtanza da la lingua taliana en il center da l'interess. Il project terminà uffizialmain l'avrigl 2015 cuntinuescha anc adina grazia als effects positivs da tuttas duas varts.

Medemamain l'onn 2015 èn vegnidas renovadas pliras convenziuns tranter la regiun Lombardia ed il chantun Tessin, tranter auter er en il sectur cultural.

## GLISTA DA LAS SCURSANIDAS DUVRADAS EN IL RAPPORT

ANR	Agentura da Novitads Rumantschas
UVIAS	Uffizi federal da vias
UFC	Uffizi federal da cultura
UFCOM	Uffizi federal da communicaziun
UST	Uffizi federal da statistica
OPers	Ordinaziun davart il persunal da la Confederaziun
CCPA	Conferenza dals directurs da construcziun, planisaziun e protecziun da l'ambient
UFAS	Uffizi federal d'assicuranzas socialas
CAF	<i>Conseil des affaires francophones du district bilingue de Bienne</i>
DECS	<i>Dipartimento dell'educazione, della cultura e dello sport del Cantone Ticino</i>
DFA	<i>Dipartimento formazione e apprendimento presso la Scuola universitaria professionale della Svizzera italiana SUPSI, Ticino</i>
DFAE	Departament federal d'affars exteriurs
CDEP	Conferenza svizra dals directurs chantunals da l'educaziun publica
DECA	Departament d'educaziun, cultura ed ambient dal Grischun
ELRC	Enquista davart lingua, religiun e cultura en il rom da l'enquista da structura da la dumbraziun dal pievel federala
FH	Forum Helveticum
SG-DFF	Secretariat general dal departament federal da finanzas
IAEZA	<i>Amt für institutionelle Angelegenheiten, Einbürgerungen und Zivilstandswesen des Kantons Freiburg</i>
ILFD	<i>Direktion der Institutionen und der Land- und Forstwirtschaft des Kantons Freiburg</i>
KFG	Lescha per promover la cultura
CSP	Center da cumpetenza scientific per la promozion da la plurilinguitad
COSL	Conferenza dals servetschs linguistics
OLSI	<i>Osservatorio linguistico della Svizzera italiana</i>
OSCE	Organisaziun europeica per la segirezza e la collavuraziun
LPubl	Lescha davart las publicaziuns uffizialas
RSI	<i>Radiotelevisione svizzera</i>
ATS	Agentura telegrafica svizra
CDSC	Conferenza da las directuras e dals directurs socials chantunals
OSLi	Ordinaziun davart ils servetschs linguistics
LLing	Lescha da linguas
OLing	Ordinaziun da linguas
SSR	Societad svizra da radio e televisiun
USI	<i>Università della Svizzera italiana</i>
DEFR	Departament federal d'economia, furmaziun e retschertga
CSEC	Cumissiun per scienza, educaziun e cultura dal cussegl dals chantuns
DTF	Decisiun dal Tribunal federal
TF	Tribunal federal